



МЕСЯЦА ИЮНЯ В 5-Й ДЕНЬ

Святáго священномученика Дороф́ея,
епíскопа Тíрскаго

Стихíры, глас 8.

Подóбен: Мученицы Твой, Гóсподи:

Крижа́ли Бóжия Дúха, Богоблаже́нне, пока-
за́лся еси́, о́тче, / Божéственна́я учéния пи́са-
на нося́ в рáзуме божéственне, / тех разгну-
тием просвети́л еси́ неразу́мием бédству-
ющия. / Тем тво́ими моли́твами / проси́ нам всем,
о́тче, ве́лию ми́лость.

Крове́й Божéственными течéнии / обагри́в твою́
свяще́нную оде́жду, Дороф́ее, / вшел еси́, ра́дуясь,
в Небе́сный храм, / н́бне яви́тися Бо́гу на́шему, /
пода́ющему венцы́ страда́вшим. / То́го приле́жно
моли́ / всем низпосла́ти ве́лию ми́лость.

Жити́е твоё равноа́нгельно, / мучéние же просве-
ще́нно, / и́мже сподóбился еси́ со А́нгелы ликовáти
в ра́дости, / чудесы́ зéмлю, о́тче Дороф́ее, Божé-
ственными озаря́я и учéными. / Тем тво́ими моли́т-
вами проси́ / дарова́ти всем ве́лию ми́лость.

И́ны стихíры Богоро́дицы, глас и подóбен то́йже:

Исхити́ мя, Влады́чице, из руки́ зми́я человеко-
уби́йцы, / борю́щаго мя ле́стию пожре́ти до конца́, /
сокруши́ че́люсти сего́, молю́ся, / и кова́рствия
разори́, / я́ко да, избáвлься сего́ ногте́й, / велича́ю
си́лу Твою́.

Аз е́смь дре́во непло́дное, Всенепоро́чная, / неп-
лодя́щее плода́ спаси́тельнаго, / те́мже и трепещу
посече́ния, / да не ка́ко вве́ржен бу́ду во о́гнь

негасимый, окаянный. / Тёмже Ти припадаю: / сего избави мя / и плодоносна покажи, Чистая, Сыну Твоему ходатайством Твоим.

Уязви сердце мое / стрелю желания смертоносная, / и уязвись от неразумия, и неисцельно болю: / Мати Божия, не презри мене, отчаяннаго, / но исцеление даждь ми, / яко рождши Господа и Спаса, единого Милосердаго.

Слава, и ныне, Богородичен:

Помышления нечиста, и устыль лъстивы, / дела же моя вся осквернена, / и что сотворю? / Како усрящу Судию? / Владычице Дево, моли Сына Твоего, и Зиждителя, и Господа, / яко да в покаянии примет дух мой, / яко един Благоутробен.

Крестобогородичен:

Юница нескверная, / Юнца видящи, на Древе пригвождаема волею, / рыдаючи жалостне: — / увы Мне, — вопияше, — любимейшее Чадо, / что Ты сонм воздаде безблагодатный еврейский, / хотя Мя обезчадствовати от Тебе, Вселюбезне?

Тропарь, глас 4:

И нравом причастник, / и престолом наместник, / апостолом быв, / деяние обрел еси, Богодохновенне, / в видения восход; / сего ради, слово истины исправляя, / и веры ради пострадал еси даже до крове, / священномучениче Дорофее, / моли Христа Бога / спастися душам нашим.

Ин тропарь, глас 5:

Нищелюбием обогатився / и милость воздержания источив, / наслаждения Царствия Небеснаго сподобися, / страдальчески беды приим по стаде своем, / и апостолом обретесе ссельник, / отче священномучениче Дорофее, / моли Христа Бога / спастися душам нашим.

Канон, егоже краегранесие: Дара Божия ты, всеблаженне отче, чествую. **Творение Иосифово, глас 8.**

Песнь 1

Ирмос: *Поим Господеви, / проведшему люди
Своя сквозе Чермное море, / яко Един славно
прославися.*

Дар Богу, всеблаженне, тебе самого принёсл еси
чистейший, / житием совершенным и честным
мучением, Дорофее.

Якоже зрел грозд, отче, изгнёт мысль, / веселия
чашу — верным учения предложил еси.

Токи лестныя уставил еси, Дорофее, теченьми
премудраго твоего языка / и верных мысли напоил
еси.

Богородичен: *Одожди ми, Дево, молюся, капли
умиления, / прибывшую ми скверну отмывающая, /
яко да славлю Тя.*

Песнь 3

Ирмос: *Ты еси утверждение / притекающих к
Тебе, Господи, / Ты еси Свет омраченных, / и поёт
Тя дух мой.*

Ночь отгнал еси суетства всяку / блистанию,
отче святителю, премудраго проповедания.

Чудесы утвердил еси и священными, мудре,
учении / верных всех мысли, яко пастырь священ-
ен.

Помазан ты Господь священным, отче,
помазанием / и Своея Божественныя Церкви па-
стыреначальника постави.

Богородичен: *Все сердце моё Божественным
светом просвети, двере Света, / греховное омраче-
ние отгонящи.*

Седален, глас 3.

Подобен: Божественныя веры:

Божественными догматы присно сияющ дар
святый, / тебе самого принёсл еси Безсмертному
Царю, пострадав, Дорофее, / и обитаеши ныне,
присно веселяся, / первородных в Горней митро-
полии. / Отче преподобне, Христа Бога моли /
даровати нам велию милость.

Слава, и ныне, Богородичен:

Божественнаго естества не отлучися, плоть быв
во чреве Твоём, / но Бог вочеловечся и пребысть, /

Иже по рождествѣ Матерь Тя Дѣву, / яко прѣжде рождества, сохранив Всенепорочну, един Господь. / Того прилѣжно моли даровати нам велию милость.

Крестобогородичен:

Нескверная Агница Слова, Нетленная Дева Мати, / на Крестѣ зрящи повѣшена из Нея без болѣзни прозябшаго, / матерски подобно рыдающе, вопиюще: / увы Мне, Чадо Моѣ, како страждещи волею, / хотя избавити от страстей безчестия человека?

Песнь 4

Ирмос: Услышах, Господи, / смотрения Твоего тайнство, / разумех дела Твоя / и прославих Твое Божество.

Возносимую оплевал еси, преподобне, зиму безбожия / и теплотою Божественнаго Духа невредимо сердце соблюл еси.

Сокрушишася, Дорофее блаженне, пред лицом твоим горы нуждныя демонския / и истаяша злочестивых человек шатания.

Терпел еси, оскорбляемь, от града во град изгоним, / темже блаженную улучил еси мученик славу и светлость.

Богородичен: Искушений мя спаси и душетленные страстей бури, / яко да верою ублажаю Тя, Пресвятая Отроковице, Мати Дево.

Песнь 5

Ирмос: От ноци неведения, / Боговедением просветивый концы, / просвети мя утром человеколюбия Твоего, Господи.

Смотря разумно воздаяния Божественная, Дорофее, / великия беды и напасти претерпел еси.

Единством Божества проповедавая Троицу, Дорофее, / многобожнаго неистовства суетное погубил еси шатание.

Не поклонився, мучениче, делом рук беззаконных, / терпел еси искушения, и беды, и раны, и болѣзни, Дорофее.

Богородичен: Восток Солнца, прѣжде денницы возсиявшаго, была еси, / Иже свет сущии во тьме лютых, Чистая, видеша.

Песнь 6

Ирмос: *Ризу мне подаждь светлу, / одейся светом, яко ризую, / Многомилостиве Христе Боже наш.*

Сердце, разжжено дыханию Духа, стяжал еси, / духов, Дорофее, сопротивных стремление разрушающе.

Святых жития священными списаньями явил еси, отче Богодохновенне, / Божественным разумом душу просвещая.

Глагол твоих вещание и красных учений сила / всю обтече, преблаженне, землю Божественною благодатию.

Богородичен: *Деве, Егоже родила еси, Бога, Человека бывша, / Того моли избавити мя огня и муки.*

Кондак, глас 5:

Добродетельми сияя, и Божественными учениями паче солнца, / и страдании, блаженне, облистал еси, / просветил еси землю, Дорофее, отгнав мглу многобожия и лютыя ереси. / Сего ради память твою светло празднуем.

Песнь 7

Ирмос: *Отроцы еврейстии в пещи / попраша пламень дерзновенно / и на росу огонь преложивша, вопиюще: / благословен еси, Господи Боже, во веки.*

Звезда многосветлая явился еси, светлостью страданий твоих просвещая души / верно, Дорофее, вопиющих: / благословен еси, Господи Боже, во веки.

Стезями правыми ходя, низвергл еси дебри льстиваго, / к путям животным наставляя вопиющая: / благословен еси, Господи Боже, во веки.

Угасил еси тучами кровей твоих, всеславне, пещь прелестную / и на воде жизни вселился еси, взывая: / благословен еси, Господи Боже, во веки.

Богородичен: *Избави союз греха окаянную мою душу, Богородительнице, / и любви Божией припрязи совершенне, / да верно славлю Тя, Богородице, во веки.*

Песнь 8

Ирмос: Богоглаголивии отроцы в пещи, / со огнём пламень попирающе, пояху: / благословите, дела Господня, Господа.

Хвалящагося змия в злобе, смирився о Господе, отче, смирил еси, вопия: / благословите, вся дела Господня, Господа.

Во глубочей ты старости в нестарющихся покойных местех Зиждитель всели, / священный отче, мучеников украшение.

Житие равноангельно имея, / со Ангелы Владыки твоего престола ныне предстоиши, вопия: / благословите, вся дела Господня, Господа.

Богородичен: Красная, Дево, явилася еси, / прекрасное Слово породивши, Емуже поем: / благословите, вся дела Господня, Господа.

Песнь 9

Ирмос: Проявленное на горе законоположнику во огни и купине / Рождество Приснодевы / в наше, верных, спасение / песнями немолчными величаем.

Исправил еси стадо Христово к Божественным пристанищем, / невредно соблюди от бури сопротивныя, яко презряден святитель / и Божественных, отче, исполнитель, мудре, повелений.

Яко священнодейственник чист, яко мученик добль, / яко чудодейственник чуден, яко Божественных словописец, / яко веры непоколебим столп, славу вечную, отче, улучил еси.

На судищи подъем многи труды и болезни, / к неболезненней и Божественней жизни, радуясь, прешел еси, / обожению ныне чисто причащая, мучениче досточудне Дорофее.

Богозарная память твоя возсия миру, / озаряючи верных лучами дарований, / юже славящая общники ны покажи, отче, в тебе Божественная светлости.

Богородичен: Носящи Христа на руках, носящаго вся манием Божественным, Чистая, / Того присно моли рук наших воздействия исправить, / яко фимиам, пред лицом Его.

Священномученик Дорофей в период гонений на христиан при императоре Диоклитиане (284—305) был епископом города Тира Финикийского. По слову Евангелия (Мф. 10, 21), святитель удалился из Тира и скрылся от мучителей. В царствование святого Константина Великого (306—337; память 21 мая) он вернулся в Тир, вновь занял епископский престол и управлял паствой более 50 лет, обратив в христианство множество язычников. Когда Юлиан Отступник (361—363) начал открыто

преследовать христиан, святителю Дорофею было уже более 100 лет. Он удалился из Тира в Мизийский город Уд (ныне Варна). Там его схватили придворные императора. За отказ принести жертву идолам святого старца стали жестоко истязать, и под пыткой он предал душу свою Господу (около 362 года в возрасте 107 лет).

Священномученику Дорофею некоторые приписывают составление «Синописа» — собрания исторических сказаний, а также житий святых пророков и апостолов.



В
ТОЙЖЕ
ДЕНЬ

Святáго благовѣрнаго князя Феодора Ярославича, брата святáго благовѣрнаго великаго князя Алексáндра Нѣвскаго

НА МАЛОЙ ВЕЧѢРНИ

На Гóсподи, воззвáх: **стихíры, глас 1.**

Подóбен: Небѣсных чинóв:

Род прáвых благословляяй Вѣшний, / благословí и тебе благословѣнием Своимъ благосты́нным, / благовѣрный княже Феодоре, / и я́коже на земли́ предъ челове́ки, / си́це на Небесí предъ Ангелы и дýхи прáведных / прославля́ет тя Своёю благода́тию.

Был есí красѣн тѣлом и дýхом, / егда́ жил есí в мíре сем, / я́ко крин посреде́ тѣрния, / ны́не же и па́че красѣн есí, / егда́ тѣло твоѣ зде облече́ся в нетлѣние, / дýхом же пребыва́еши на Небесí / со дýхи прáведных.

Веселя́хуся о тебе, княже Феодоре, / срóдницы твои́, боля́ре и сы́нове россы́йсти, / приспѣвшу вре́мени прíяти тебе бра́чный венѣц, / но мы ны́не веселíмся сугубо, / я́ко увенча́н есí венце́м сла́вы безсме́ртныя / и мо́лишися о нас ко Гóсподу.

Прáвым подобáет похва́ла, / я́коже ца́рствующий поёт проро́к. / Тѣм и мы, Давíду внима́я, / тебе, вѣрный ра́бе Господень, / мзду прáведничу прíймшаго, / похва́льными пѣсньми ублажа́ем.

Сла́ва, глас то́йже:

Сла́ва Тебе́, Го́споди Бо́же наш, / при́йвшему ду́шу благове́рнаго кня́зя Феодо́ра в кро́вы Небе́сныя / и просла́вляюще́му те́ло егó на земл́и нетле́нием, / по вели́цей Твое́й ми́лости.

И ны́не, Богоро́дичен:

Услы́шавши Елисавет́е́ целова́ние Твое́, Мари́е, / возопи́ от ра́дости гла́сом ве́лиим: / отку́ду мне си́е, / да при́йде Ма́ти Го́спода моего́ ко мне? / Мы же, слы́шаще глаго́лы Твоего́ Сы́на, / я́же суть глаго́лы живота́ ве́чнаго, / с ра́достью та́кожде во́пием: / отку́ду нам си́е, / я́ко Тобо́ю роди́ся нам Спас.

На стихо́вне стихи́ры, глас 2.

Подобен: До́ме Евфра́фов:

Честна́ пред Го́сподем смерть твоя́, / блаже́нне Феодо́ре, / а́ще бо от те́ла / ду́шею и разлучи́лся еси́, / но ду́ша твоя́ в руце́ Егó.

Стих: Пра́ведник, я́ко фи́никс, процвете́т, / я́ко кедр, я́же в Лива́не, умно́жится.

Горе́ли бы́ша к тебе́ любо́вию / росси́йстии сы́нове, / ви́дяще благочесты́ва ко́рене / о́трасль благочесты́вую, / но вя́щше возлюби́ тя Царь ца́рствующих.

Стих: Возвеселит́ся пра́ведник о Го́споде / и упова́ет на Него́.

Тече́ние жития́ твоего́ / в кр́аткое вре́мя соверши́л еси́, / но Бо́гу дово́льно угоди́л еси́, / сего́ ра́ди вшел еси́ / в ра́дость жи́зни ве́чныя.

Сла́ва, глас 2:

Всеще́дрый пра́ведных / Мздовозда́телю Го́споди, / поём и сла́вим Твою́ неизрече́нную бла́гость, / ея́же уго́дника Твоего́ Феодо́ра / сподо́бил еси́.

И ны́не, Богоро́дичен:

Недове́домая воплоще́ния Бо́жия та́йна / Тобо́ю, Де́во, / я́сно ми́ру откры́ся, / сего́ ра́ди, благода́ряще, поём Ти: / ра́дуйся, неве́домыя та́йны Бо́жия открове́ние.

По Ны́не отпу́щаеши: тропарь, глас 8, пи́сан на вели́цей вече́рни. Сла́ва, и ны́не, Богоро́дичен.

НА ВЕЛІЦЕЙ ВЕЧЭРНИ

Блажэн муж: 1-й антифон. На Гóсподи, воззвáх: стихи́ры на 8, глас 4.

Подóбен: Я́ко дóбля:

**Почита́я ли́ки пра́ведных, / правове́рно и благо-
че́стно в ми́ре сем сконча́вшихся, / велича́ем в
Тро́ице сла́вимаго Бо́га, / те́мже и тебе́, кня́же
Фе́одоре, / ве́ру и благоче́стие це́ло соблю́дшаго, / и
целому́дрием твои́м Бо́гу угоди́вшаго, / и во оби́те-
лех Небе́сных / с пра́ведными торже́ствующаго, /
единогла́сно почита́ем.**

**Подража́я твои́м роди́телем, / и́мже бысть зако́н
Бо́жий благ / паче ты́сящ зláта и сребра́, / приле-
пи́лся еси́ усер́дно томужде / и поуча́лся еси́ в нем
со тща́нием, / соблю́дая же егó в твоём се́рдцы, /
пра́вою стезе́ю ходи́л еси́, / и сию́ благода́ть обрёл
еси́, / да ны́не ты во святы́х почита́ем.**

**И в ю́ношеских ле́тах сый, кня́же Фе́одоре, /
соверше́нно разумёл еси́, / ка́ко му́дрыя де́вы
внидо́ша на брак: / украси́л еси́ свети́льник твой /
неугаса́ющим добродéтелей елеем, / егóже в крат-
кой жи́зни стяжа́л еси́, / и та́ко вшел еси́
невозбра́нно / на брак Жени́ха Небе́снаго / и на-
слажда́ешься гла́са веселя́щихся.**

**Великолéпный брак тебе́ на земли́ готовля́ху /
сродни́цы и дру́зи твой, / неведуще Бо́жия Прó-
мысла, / я́ко Бог благоволи́ избрати́ ты, / во е́же
тебе́ безбра́чну / служи́ти на бра́ке Сы́на Егó
Единоро́днаго, / а́може и Небе́сныя си́лы / со
благоговéнием тща́тся прини́кнути, / трисвяту́ю
песнь воспева́юще.**

Сла́ва, глас 2:

**Хвали́ Бо́га твоегó, Росси́е, / я́ко призира́я на ты
о́ком Своегó благоутрóбия / и прославля́я ты
уго́дники Свои́ми, / нетле́нием телесе́ удивля́ющи-
ми, / причте́ к их ли́ку и благове́рнаго кня́зя
Фе́одора, / и́же купно с ними́ о свои́х единове́рных /
Ему́ непреста́нно мо́лится.**

И ны́не, Богоро́дичен.

Вход, проки́мен дне и чтéния.

Притчей чтение (главы 10, 3 и 8):

Па́мять пра́веднаго с похвала́ми, / и благослове́ние Господне на главé его́. / Блаже́н челове́к, и́же обре́те премúдрость, / и сме́ртен, и́же уве́де разу́м. / Лу́чше бо сию́ купова́ти, неже́ли злата́ и сребра́ сокрови́ща. / Честне́йшая же е́сть ка́мений многоце́нных, / все́ же честное́ недостóйно ея́ есть. / Долгота́ бо дний́ и ле́та живота́ в десни́це ея́, / в шу́йце же ея́ бога́тство и сла́ва. / От у́ст ея́ исхо́дит пра́вда, / зако́н же и ми́лость на язы́це но́сит. / Послу́шайте у́бо мене́, о ча́да, честна́я бо реку́, / и блаже́н челове́к, и́же пути́ моя́ сохранит: / исхо́ди бо мой, исхо́ди живота́, / и уготовля́ется хоте́ние от Го́спода. / Сего́ ра́ди молю́ вас и предлага́ю мой глас сыно́вом челове́ческим, / я́ко аз, премúдрость, устро́их сове́т / и разу́м, и смы́сл аз призва́х. / Мо́й сове́т и утвержде́ние, / мой разу́м, мой же кре́пость. / А́з мене́ любя́щим люблю́, / и́щущим же мене́ обря́щут благода́ть. / Разу́мейте у́бо, незло́биви́и, кова́рство, / ненака́занныи же, прилага́йте серде́ца. / Послу́шайте мене́ и па́ки, честна́я бо реку́, / и отве́рзу от усте́н пра́вая, я́ко и́стине поучи́тся горта́нь мой, / ме́рзки же предо мно́ю усте́н лжи́выя. / С пра́вдою вси глаго́лы уст мо́их: / ничто́же в них стрóпотно, ниже́ развра́щенно. / Вся пра́ва суть разумева́ющим и прóста обрета́ющим разу́м. / Науча́ю бо вас и́стине, / да бу́дет о Го́споде наде́жда ва́ша, / и испо́лнитесь Ду́ха.

Притчей чтение (главы 10 и 11):

Уста́ пра́веднаго ка́плют премúдрость, / язы́к же непра́веднаго поги́бнет. / Усте́н муже́й пра́ведных ка́плют благода́ти, / уста́ же нечестивых развра́щаются. / Ме́рила льсти́вая — ме́рзость пред Го́сподем, / вес же пра́ведный приятен Ему́. / Иде́же а́ще вни́дет доса́ждение, та́мо и безче́стие, / уста́ же смире́нных поуча́ются премúдрости. / Соверше́ние пра́вых наста́вит их, и поползнове́ние отрица́ющихся упасе́т их. / Не по́льзуют имени́я в день я́рости, пра́вда же изба́вит от сме́рти. / Умер пра́ведный, оста́ви раска́яние, / нару́чна же быва́ет и посмея́тельна нечестивых па́губа. / Пра́вда

непорочно исправляет пути, в нечестие же падает неправда. / Правда мужей правых избавит их, безсовѣтием же пленяются беззаконнии. / Скончавшуся мужу праведну, не погибнет надежда, / похвала же нечестивых погибнет. / Праведник от лова убегнет, вместо же его предаётся нечестивый. / Во устех нечестивых сеть гражданам, чувство же праведных благопоспешное. / Во благих праведных исправится град, и в погибели нечестивых радование. / Во благословении правых возвысится град, усты же нечестивых раскопается. / Ругается гражданином лишенный разума, / муж же мудрый безмолвие водит.

Премудрости Соломоновы чтение (глава 4):

Праведник аще постигнет скончаться, в покое будет. / Старость бо честна не многолетна, / ниже в числе лет изчитается, / седина же есть мудрость человеком, / и возраст старости — житие нескверное. / Благоугоден Божови быв, возлюблен бысть / и живый посреде грешник преставлен бысть. / Восхищен бысть да не злоба изменит разума его / или леть прельстит душу его. / Рачение бо злобы помрачает добрая / и парение похоти пременяет ум незлобив. / Скончався в мале, исполни лета долга, / угодна бо бе Господеви душа его, / сего ради потщася от среды лукавствия. / Люди же видевше, и не разумевше, / ниже положше в помышлении таково, / яко благодать и милость в преподобных Его / и посещение во избранных Его.

На литии стихирь, глас 4:

Стецытесе, россиястии народи, / ублажим достойными похвалы благовернаго князя Феодора, / нетлением телесе на земли процветающаго / и душею предстоящаго Престолу Божию.

Праведный Господь во всех словесех Своих / утверди я и на рабе Своем, князе Феодоре: / горящаго к Немю любовью возлюби / и ищущему Его даде благодать.

Храняй праведныя Своя, аки зеницу ока, / храняше и праведника Своего, Феодора, / еже не

преткнѹти емѹ ногѹ своея о камень беззаконія / во всех путѣх его.

Предвѣдев Всевѣдущий Владыка / твѣрдое его усѣрдие, / еже пребыти емѹ во вся дни животá своего в целомѹдрии, / прият его от земли прѣжде брачнаго сочетанія / в радостная селѣния дѣвственников.

Приспѣвшу времени блаженныя кончыны его, / бысть плач, и рыданіе, и вопль мног, / но мы ныне, видяще его во святых Богом прославленнаго, / преложимъ плач на радость, / рыданіе на весѣлие, / вопль на празднственное восклицаніе.

Слава, глас тойже:

Да облекѹтся в студ и срамотѹ / иже не веруют быти чудесѣм Божиим. / Се, в первых чѹдо: / яко тлѣнію естеством подлежащее князя Феодора тѣло / чѹждо есть истлѣнія.

И ныне, Богородичен:

Радуйся, Богородице Дѣво, / яко Симеоном Прореченнаго / на падѣние и на востаніе многим / Тобю получитьи сподобихомся.

На стиховне стихиры, глас 2:

Украсивый небо звездами, / украси Россію нетлѣнными телесы Своих угѹдников, / в нихже прослави / и благовернаго князя Феодора.

Стих: Праведник, яко фѣникс, процветѣт, / яко кедр, иже в Ливане, умножится.

Яко фѣникс, процвѣл еси, княже Феодоре, / на земли нетлѣнием, / на Небесѹ же безсмертною славою, / юже от сложѣнія міра уготова Бог любящим Его.

Стих: Возвеселѣтся праведник о Господѣ / и уповает на Него.

Добродѣтелями, яко крылами, / на Небо возлетѣл еси / и дѹшу твою яко жѣртву чѣсту / Богу представил еси, / оставив нам утѣшеніем нетлѣнное твоѣ тѣло, / еже благоговѣйно лобызаем.

Слава, глас тойже:

Великих дарѹв сподобил еси, Владыко, князя Феодора, / яко право ходи пред Тобю; / сподоби

тех и нас, молящихся Тебѣ прилѣжно, / и наста́ви нас, да ходим пред Тобо́ю / вѣну путѣм пра́вым.

И ны́не, Богоро́дичен:

Соврати́ся род челове́ческий от пути́ истины, / и скита́шеся, я́ко овча́ погѣбшее, / но Ты, Де́во, показала еси́ Сы́ном Твоѣм / путь, исти́ну и живо́т.

На благослове́нии хлѣбов, по Ны́не отпу́щаеши: тропа́рь свята́го, два́жды. Та́же Богоро́дице Де́во: еди́ножды.

Тропа́рь свята́го, глас 8:

От благоче́стиваго ко́рене о́трасль благоче́стивая прозя́бл еси́ / и, сконча́вся в ю́ности, ле́та до́лга твоѣми добродѣ́тельми испо́лнил еси́, / благове́рный кня́же Феодо́ре, / сего́ ра́ди Владѣ́ющему времена́ми мо́лимся, / да моли́твами твоѣми пода́ст нам долготу́ лет / и низпосле́т стране́ на́шей ве́лию и бога́тую ми́лость.

НА УТРЕНИ

На Бог Госпо́дь: тропа́рь свята́го, два́жды. Сла́ва, и ны́не, Богоро́дичен.

По 1-м стихосло́вию седа́лен, глас 8:

Блаже́н и треблаже́н еси́, кня́же Феодо́ре, / в мла́дых бо ле́тех твоѣх си́це в добродѣ́телех преуспе́л еси́, / я́ко и ве́тхим де́ньми диви́тися довле́ет: / между́ земноро́дными жи́тельствую, / чи́стейшим А́нгелом подража́тель яви́лся еси́, / сего́ ра́ди по успѣ́нии твоѣм и торже́ствуеши ны́не с ли́ки А́нгельскими.

Сла́ва, и ны́не, Богоро́дичен:

Вели́чие войсти́нну сотвори́ Тебе́ Си́льный, Де́во Всечи́стая, / сокровѣ́нное от ве́ка та́инство Тебе́ откры́ / и, я́же хотя́ше, Тобо́ю соде́я. / Сего́ ра́ди Тя усер́дно вси ублажа́ем.

По 2-м стихосло́вию седа́лен, глас 2:

На землі́ живя́, земна́я му́дрствовати презира́л еси́, / но, слу́шая сло́ва спаси́тельнаго, / весь ум твой впе́рѣл еси́ в Го́рняя, / сего́ ра́ди и сам ны́не в Го́рних водворя́еши.

Слава, и ныне, Богородичен:

Недоумéет всяк язык достóйными Тя ублаж́ити похвала́ми, Всесвята́я Влады́чице, / из Твои́х бо ложесн прóйде Спас и Избáвитель мíра.

По полиелéи седáлен, глас 7:

Насаждéнному дрéву при истóчницех вод, / éже даéт плод во врéмя своé / и егóже лист не отпа́дает, / подобен еси́, святе Феодоре, / водворил-ся бо еси́ в мéсте свéтле, в мéсте злáчне, в мéсте поко́йне, / идéже глáсы прáзднующих шумя́т, яко рéчная устремлéния, / сие́ весéлие твоé не оты́мет-ся от тебé во вéки безконéчныя.

Слава, и ныне, Богородичен:

Мáтерь Тя Бóжию б́ити véруя / и благодáти неизречéнныя испóлнену исповéдуя, Преблагословéнная Дéво Мари́е, / с Гаври́илом вопи́ем Ти: / ра́дуйся, Благодáтная, Господь с Тобóю.

Степéнна 1-й антифóн 4-го глáса. Прокíмен, глас 4: Возвеселíтся прáведник о Гóсподе / и уповáет на Него́. **Стих:** Чтó возда́м Гóсподеви о всех, я́же воздаде́ ми? **Всякое дыха́ние: Ева́нгелие от Матфе́я, зачáло 104.**

По 50-м псалмé стихира, глас 6:

Вéлию красоту́ творя́ше Аарóну мíро, / сходя́щее на браду́ егó / и на оméты одéжды егó, / но мно́го па́че вящшую красоту́ творит благодáть Бóжия, / на князя Феодора излия́нная, / подаю́щая тéлу егó нетлéние, / душе́ же егó сла́ву безсме́ртную.

Канóн свято́му на 8, глас 8.

Песнь 1

Ирмо́с: Дíвному Бóгу вели́чия принесéм, / и великолéпно с на́ми / да воспоéт земля́ и нéбо / я́сно сла́ву Егó.

Я́ко елéнь желáет на истóчники водны́я, / сиче желáше душа́ тво́я, кня́же Феодоре, к Бóгу, / И́же и при́я тя с любóвию и сотвори́ наследника Цáрствия Своего́.

Крáткое ж́изни твое́я имéл еси́ течéние, / но подвигом до́брым в закóне Бóжии подвизáлся еси́ /

и веру соблюл еси, / сего ради отложися тебе венец славы безсмертных.

Дивный, Господи, во святых Твоих, / дивен еси воистинну и во святем Твоем князе Феодоре, / ибо в немощнем естестве человечестем / вышеестественную силу Твою совершая, / дал еси телу его нетление.

Богородичен: Чудно бысть, еже огнем опалятися купинэ и не старати; / чудно же и сие воистинну, / яко Деву безсеменно зачала и родила еси Сына Божия / и по рождении Его паки Дева пребыла еси. / Темже Тя, яко Матерь Божию и Деву, благочестно величаем.

Песнь 3

Ирмос: Несть свят, яко Господь, / и несть праведен, яко Бог наш, / Егоче поет вся тварь: / несть праведен, паче Тебе, Господи.

Истинная лоза винограда Христова был еси, княже Феодоре, / сего ради и в краткое время много плод добродетелей израстил еси.

Дозревшим твоих добродетелей гроздием, / еще тебе младу сущу, / да не како жестокия страстей бури повредят я, / преселен еси в вертоград Небесный.

Коль праведен и щедр еси, Благоутробный Владыко, / в мздовоздаянии Твоим праведником! / Довлеет и един образ: / како праведника Твоего Феодора ущедрил еси.

Богородичен: От утробы матери Себе Богу посвятила еси, Отроковице, / и усердием Ему служила еси, / тем Тебе и Бог воздаде по правоте, / яко Ты вси роди Богородицею уболажают.

Седален, глас 8:

Исход твой, княже Феодоре, от сей временныя жизни, / многия источи слезы от очию сынов российских, / но Отец щедрот и Бог всякия утехи наградит их изобильно веселием, / возложив на святое твое тело одежду нетления, во вѣщшее уверение, / яко ты по исходе твоём в радости пребываеши.

Слава, и ныне, Богородичен:

Усумнѣся обручник Твой Иосиф, видев Тя
непраздну, / но абие разрешися сумнѣние, / егда
извещѣн бысть от Ангела, / яко зачѣншееся в Тебѣ
от Духа есть Свята.

Песнь 4

Ирмос: Услышах слух силы Твоея, / и возвесели-
ся сердце мое о Господе.

Хваляшеся иногда евангельский юноша пред
Господем, / яко вся заповеди соблюде от юности
своея, / но не послуша Господа, малое сотворити
ему повелевающаго, / и не иде вслед Его, / ты же,
блаженне Феодоре, и, не хваляся, повелений
Господних слушал еси / и Ему с веселием последо-
вал еси.

Даны быша тебе от Господа таланты душевные
и телесныя, / ихже во благо употребляя, / в краткое
время многое приобретение Ему сотворил еси, /
сего ради и введе тя, яко раба благаго и вернаго, в
радость Свою.

Слушаяй молитвы праведных Твоих, Господи, /
услыши молитву и праведника Твоего Феодора, /
юже приносит Тебе о роде своем.

Богородичен: С радостию готова сущи к зва-
нию, / на неже избра Тя Вышний, Дево Марие, / со
смирением Гавриилу рекла еси: / се раба Господ-
ня. / Мы же, Тя сице смиряющуюся, Владычицею
ныне почитаем.

Песнь 5

Ирмос: Яко Бога иного, Блаже, / паче Тебе, не
знаем, / к Тебе, Свету Незаходимому, от нощи
утреннююще, / воспеваем Тя, Человеколюбче.

В малых днех жития твоего, блаженне Феодоре, /
великих светило явился еси добродетелей, / имиже
Бог благоугождается.

Светлу душу твою хотя представить Богу, /
чистоту в житии твоём соблюл еси, / сего ради по
твоём успении вшел еси, / аможе ничтоже нечисто
входит.

Ради праведных Твоих, Господи, / простираеши
лучи Твоея милости на грешныя: / озари убо и нас,

недостойных рабов Твоих, лучами Твоего благоутробия / ради праведника Твоего Феодора.

Богородичен: Егда Гавриил благовести Тебе, Неискусомужная Дѣво, / яко во чреве Твоем зачнеши и родиши Сына Божия, / с верою отвещала еси: / буди Мне по глаголу твоему. / Сего ради по вере Твоей и бысть Тебе благословение Вышняго, / Тобою же и вси людие, / иже сидѣша во тьме и сени смѣртней, / узрѣша свет велий.

Песнь 6

Ирмос: Ризу мне подаждь светлу, / одѣйся светом, яко ризую, / Многомилостиве Христѣ Божѣ наш.

И мягкия носяй одѣжды, княже Феодоре, / сиче житиѣм твоим в краткое время Богу угодил еси, яко многим дивитися, / иже угодѣша Ему, долго-временно облачающесе во врѣтище.

Уверен быв, яко и златотканныя ризы общему подлежат тленію, / потщался еси в животѣ твоем из добродѣтелей исткати себѣ ризу нетленія, / в нейже ныне красуешися.

Колѣна сердца нашего преклоняя, / благодарѣние Тебѣ возсылаем, Человеколюбче, / яко тѣло князя Феодора, тленію по естеству подлежащее, / облѣкл еси в ризу нетленія, / имже умножается слава всея Россіи.

Богородичен: Позлащенными добродѣтелей ризами / одѣянна и преиспещрена была еси на земли, Пренепорочная, / сего ради и Бог Слово во утробѣ Твоей / благоволи облещися в плоть человеческую.

Кондак, глас 4:

В благочестии рождѣнна, / в страсѣ Божіи воспитана, / в житіи целомудрие стяжавшаго, / по успѣнии же нетленіем телесѣ просиявшаго, / благовернаго князя Феодора во святых почитая, / смиренно молимся Тебѣ, Всесильный Владыко, / да и во веки прославляеши святыми Твоими / страны наша россійскія.

Икос:

Достойно и праведно есть радоваться тебе,
святые Феодоре, на Небеси, / яко неизреченную
благодать от Бога получил еси, / мы же радуемся
на земли, / яко ты имамы теплаго к Богу молитвен-
ника, / и от радости сице зовем: / радуйся, похвало
российская.

Песнь 7

Ирмос: *В начале землю основавый / и Небеса
словом утвердивый, / благословен еси во веки,
Господи, Боже отец наших.*

Яко чистое добродетелей зеркало был еси на
земли, княже Феодоре, / сего ради Вышний, вос-
прияв душу твою в чертог Свой Небесный, /
остави нам образ, нетленное твое тело, / да последуем
стопам твоим.

Не стыдимся хвалиться, праведниче Божий, /
яко молитва твоя к Богу много может поспеше-
ствовать нам во благо: / вемы бо, яко молитвы
праведных приятны Ему.

Хвалим, поем и благословим Тебе, Господи, / яко
призираеши на Россию с высоты святого жилища
Твоего / и посещаеши ю, яко виноград Твой, /
егоже насади десница Твоя.

Богородичен: Блажим Тя, Богородице Дево, / и
блажити никогда не престаем: / благословенна бо
Ты еси в женах / и благословен Плод чрева Твоего.

Песнь 8

Ирмос: *Покрываяй водами превыспренняя
Своя, / полагаяй морю предел песок / и содержай
вся, / Тя поет солнце, Тя славит луна, / Тебе
приносит песнь вся тварь, / яко Содетелю всех во
веки.*

Блажен еси, княже Феодоре, / яко сый посреде
волнующагося душевных страстей моря, / к
тихому пристанищу в краткое время безбедно
достигл еси.

Аще и устремляхуся мира сего волны, еже
потопити юность твою, / но ничтоже успеха: /
ковчег бо тебе бысть чистота, / кормило —

Правосла́вная ве́ра, / ко́тва* — твёрдая на Бо́га наде́жда, / ве́трило — любовь к Бо́гу и бли́жним.

Прославля́ем Тя, Го́споди Бо́же, / я́ко, удивля́я хотэ́ния Тво́я во святы́х Твои́х, / удиви́л еси́ хотэ́ние Твоё и в благове́рном кня́зе Феодо́ре.

Богоро́дичен: Удивля́хуся волсви́ египетстии́ си́ле чудотво́рнаго жезла́ Моисе́ова, / мы же удивля́емся Тебе́, Мари́е: / ка́ко Невместима́го все́ми во утробе́ Твоёй вмести́ла еси́?

Песнь 9

Ирмо́с: Благосло́вён Го́спо́дь, Бог Изра́илев, / воздвигну́вый рог спасе́ния нам / в до́му Дави́дове, о́трока Своего́, / в ни́хже посети́ нас Восто́к с высоты́ / и напра́вил ны е́сть на пу́ть ми́ра.

Ви́дяще ты росси́йстии сопоста́ты, / лета́ми доспева́ющего ко изош́рению мечá на в́и их, / не можа́ху не смущáтися: / ты бо, душе́внаго сопоста́та, е́ще млад сый, победи́ти в си́лах был еси́; / сего́ ра́ди кре́пкий во бранéх Го́спо́дь / и причтэ́ ты, я́ко до́браго во́ина, / к Безплóтному Своёму́ во́инству.

Несумне́нная наде́жда был сыно́вом росси́йским к защи́щению отéчества, / но Прему́дрый о всех Промы́слитель / благоволи́ ты при́яти безмяте́жна в поко́й Свой, / Росси́ю же защити́ти руко́ю бра́та твоего́, свята́го Алекса́ндра.

Благосло́вён еси́, Го́споди Бо́же наш, / я́ко ве́си пу́ти непоро́чных, / и досто́яние их во ве́ки пребыва́ет, / е́гоже прича́стником б́ыти сподо́бил еси́ / и непоро́чнаго кня́зя Феодо́ра.

Богоро́дичен: Призира́яя на смире́нныя рабы́ Сво́я Вы́шний / при́зрэ и на Твоё смире́ние, Пречи́стая Де́во, / и превознесé Тя па́че всех дще́рей сыно́в челове́ческих.

Свети́лен, глас 8:

Пре́красный добродéтелей храм на земли́ быв, благове́рный кня́зь Феодо́р / оста́ви нам по своём успéнии те́ло своё, украше́нное нетлэ́нием, / душе́ю же вни́де в храм нерукотворе́нный.

* ко́тва — якорь

Сла́ва, и ны́не, Богоро́дичен:

Вели́ким благодарением до́лжни мы Тебе́, Влады́чице: / еди́на бо Ты от земноро́дных яви́лася еси́ / досто́йна прияти во утробу Твою́ Сы́на Бо́жия, / Егóже Оте́ц послá на зéмлю разру́шити за́конную кля́тву / и подáти вéчное всем благосло́вение.

На хвалі́тех стихі́ры, глас 6:

Приника́я в бездну́ судéб Бо́жих, / удивля́емся чюдному́ Егó о праведных Свои́х смотре́нию: / о́чи бо Егó вѣну на них / и у́ши Егó вѣну в моли́тву их, / и прославля́ет их вре́менно и вéчно, / я́коже ви́дим смотре́ние Его́ и о тебе́, / благове́рный кня́же Феодо́ре, / те́мже тя ублажа́ем.

Я́же красна́я суть ми́ра сегó, / вся сия́ бѣ́ша в руку́ твою́, / егда́ на земли́ сей обита́л еси́; / егда́ же и от ми́ра сегó изше́л еси́, / вся па́ки восприя́л еси́ благáя, праведным угото́ванная, / вшел бо еси́ в зéмлю обетова́нную, / я́же не ме́дом и млеко́м течёт, / но есть Ца́рство Небе́сное; / сегó ра́ди тя ублажа́ем.

От кня́жеския кро́ве произше́д в мир сей, / кня́жескую сла́ву имéл еси́ насле́дие: / венéц гото́вяшеся главе́ твоёй, / порфи́ра рамена́м твои́м, / ски́петр рука́м твои́м, / по успéнии же тéлу твою́ даде́ся нетле́ние / и душе́ твоёй вéчное блаже́нство, / сегó ра́ди тя ублажа́ем.

А́ще и в млады́х лéтех сконча́лся еси́, / но испо́лнил еси́ лéта до́лга: / ста́рость бо честна́ немноголéтна, / ниже́ в числé лет изчита́ется, / и во́зраст ста́рости есть жити́е нескве́рное, / в нёмже до кончи́ны пребы́л еси́; / ны́не же на Небеси́, и па́ки живёши, / и моли́шися о нас ко Го́споду, / сегó ра́ди тя ублажа́ем.

Сла́ва, глас то́йже:

Ра́ди крóткаго раба́ Твоегó Дави́да, / по за́поведем Твои́м пред Тобо́ю ходившаго, / мно́гия рóду израи́льскому явля́л еси́ благоде́яния, Бо́же наш, / благоде́телен у́бо буди и нам, / ра́ди незло́биваго раба́ Твоегó Феодо́ра, / течéние жи́зни свое́я / по за́поведем Твои́м соверши́вшаго.

И ныне, Богородичен:

Взыгрáся сёрдце Твое, Дéво, / весéлием на землi, / егда в рождествé Сына Твоего / велегласно Ангели воспéша: / слава в Вbшних Бóгу, и на землi мир, / в человецех благоволéние. / Веселiся и ныне на Небесi, / яко и мы туюжде песнь о Тебé Бóгу воспевáем.

Славослóвие великое и отпу́ст.

НА ЛИТУРГИИ

Блажённы от канóна песни 3-я и 6-я на 8. Прокiмен, глас 7: Возвеселiтся праведник о Гóсподе / и уповáет на Него. Стих: Чтó воздам Гóсподеви о всех, яже воздаде ми? Апóстол к Галáтом, зачáло 213. Аллилуiя, глас 4: Праведник, яко фiникс, процветёт, яко кедр, iже в Ливáне, умножится. Евáнгелие от Матфея, зачáло 105. Причáстен: В пáмять вéчную:

Моли́тва

Святый благовёрный великий княже Феодоре! Ты от княжеския крове происшед в мир сей, княжескую славу навсегда имел еси наследовати, и вся красная мира сего быша в руку твою, егда на земли сей обитал еси. Но ты, аще и в младых летех скончался еси, но исполнил еси лета долга и душевнаго сопостата, ещe млад сый, победити в силах был еси. И чистоту в житий твоём соблюл еси, чesо ради Крепкий во бранех Господь и причте тя, яко добраго воина, к Безплотному Своему воинству в Небесных обителех, Россию же защити рукою брата твоего, святаго благовернаго великаго князя Александра Невского. Сего ради молим тя, Небесный воине Христов: даждь и нам познати, сколь ничтожно и преходяще все житейское и сколь близок всегда должен быти сердцу нашему Бог наш, да вину помышляем о Горнем, не о земном, да неусыпно ищем вечнонаго Небеснаго отечества, да прославляем Бога жизнью и делами нашими и с мужеством отражаем стрелы похоти, греха и соблазнов. Ты из среды волнующагося душевных страстей моря к тихому пристанищу в краткое время безбедно достигл еси, и, аще устремляхуся мира сего волны, еже потопити

невинную юность твою, но ничтоже успеха, ковчег бо тебе бысть чистота, кормило— Православная вера, котва—твердая на Бога надежда, ветрило—любовь к Богу и ближнему. Молим тя, угодниче Божий, усвой и нам эти свойства свои и добродетели, охлаждай похоти сердца нашего, помогай нам в борьбе со страстями нашими, исходатайствуй нам у Господа решительное отращение от пороков, постоянство в добродетели, терпение в бедствиях, великодушие в горестях, твердую на Бога надежду во всех обстоятельствах настоящих жизни, любовь к врагам, желание добра всем, любящим и ненавидящим нас. Ты, уверен быв, яко златотканная риза общему подлежат тлению, потщался еси в животе твоём из добродетелей исткати себе ризу нетления, в нейже ныне красуешься, внуши и нам, да отвращаемся от всех мирских удовольствий, от всякия плотския похоти, от всея земная славы и от всякаго тленного сокровища, да презираем обольщение роскоши, и гнушаемся обаяния лести и порока, и да радуемся, егда терпим за Христа лишения, унижения, гонения, презрения, клевету и озлобление. Горяху к тебе, святыи княже, любвию российский сынове, видяще тя, от благочестиваго корене отрасль благочестивую, и великолепный брак тебе на земли готовляху сродницы и друзи твой, не ведуще Божия Промысла, яко Бог благоволил избрати, во еже тебе безбратну служити на брата Сына Его Единороднаго, и ты, святыи благоверный княже, предварив нас в Царстве благодати, привлецы и нас своею любовью в Царство Небесное, буди для нас орудием человеколюбия и благости Божией, отклоняй от нас истинная бедствия, утешай нас в горестях и печалех, укрепляй своим предстательством у Господа силы верныя на доброделание во славу Имене Божия и в преспеяние Царства Христова, да процветают здравием к благоденствию и возрастают от силы в силу и от славы в славу вси народи земли Российския, да будут всегда одушевлены благочестием, правдою, мужеством, преданностию отечеству и всеми добродетельми, да и

мы вместе с тобою удостоимся превозносить благодать, любовь и милосердие Единого, в Троице Святей славимаго Бога, Отца и Сына и Духа Святаго, ныне, и присно, и во веки веков. Аминь.

Благоверный князь Феодор Новгородский, старший брат святого Александра Невского, родился в 1218 году. Княжеское служение его родной земле началось в очень раннем возрасте; уже в 1229 году оба брата были оставлены в Новгороде их отцом Ярославом Всеволодовичем как представители его власти. Не прошло и года, как юным княжичам пришлось покинуть Новгород: буйные новгородцы постановили на вече призвать другого князя. В 1230 году во время голода и мора новгородцы снова пригласили Ярослава. 30 декабря 1230 года он в четвертый раз сел на княжение в Новгороде, но сам пробыл в городе лишь две недели, вновь посадил там своих сыновей и ушел в Переяславль-Залесский. В 1232 году четырнадцатилетний Феодор уже был призван послужить Богу не только молитвой, но и мечом: он участвовал в походе русских дружин против языческих мордовских князей.

В 1233 году по желанию отца он должен был вступить в брак с до-

черью святого Михаила Черниговского — Феодулией. Когда гости уже собрались на свадебный пир, жених внезапно скончался. После неожиданной смерти жениха обрученная с ним княжна оставила мир, постриглась в одном из суздальских монастырей и прославилась в иноческом подвиге как преподобная Евфросиния Суздальская (†1250, память 25 сентября).

Святой Феодор был погребен в Юрьевском монастыре в Новгороде. В 1614 году шведы, разорив монастырь, разбили гробницу князя и, обретя его целым и неразрушенным, ругаясь над святыми мощами, поставили тело, «яко живо», у церковной стены. Новгородский митрополит Исидор перенес его мощи в Софийский собор, где их положили в приделе святого пророка Иоанна, Предтечи и Крестителя Господня.

Служба святому благоверному князю Феодору составлена в 1787 году митрополитом Петербургским и Новгородским Гавриилом (Петровым) (†1801).



**В
ТОЙЖЕ
ДЕНЬ**

Преподобных отцев Вассиана и Ионы, Пертоминских чудотворцев

НА ВЕЛИЦЕЙ ВЕЧЕРНИ

На Господи, воззвах: стихиры на 8, глас 8:

Преподобнии отцы Богомудрии, / слепым даёте свет, / болящим исцеление и хромым здравие, / милостивно преклоняющесе к приходящим верою к мощем вашим / и просящим помощи вашей, / заступники бо и предстатели вернии вси обретом, / восхваляюще вас.

**Преподобнии отцы всечестнии, / добродетельми
возшедше на колесницу, / к Богу востекосте, /
победныя почести приемлюще, / и яко милоть нам
телеса ваша, / положена во гробех, оставили есте, /
источати исцеления и прогоняти духи лукавыя, /
темже блажим вас, прехвальнии.**

**Ликом постническим сочтаетесь, / и украсшесь,
блаженнии, постническим житием, / и ныне в
Небесных обителях ликующе со Ангелы, / поми-
найте любовь блажащих вас на земли / и святое
ваше творящих празднество.**

Слава, глас тойже:

**Преподобнии отцы, / мира красоты и пищи
временныя отнюд возненавидевше, / иноческое
житие паче возлюбивше, / и Ангелом собеседницы
бысте, / и светильницы многосветлии, / вселенней
чудесами сияюще, / но о всех нас поминайте, /
совершающих святую память вашу: / мы бо чада
ваша и овцы словесных ваших учений, / и вас на
помощь призываем, / просяще вами прияти мир и
велию милость.**

И ныне, Богородичен: Царь Небесный:

**Вход. Прокимен дне, и чтения три преподобни-
ческая (зри страницы 14—15).**

На литии стихиры, глас 5:

**Иже на земли Ангели / и на Небесех человецы
Божии, / мира благое украшение, / иноков и препо-
добных похвалу, / великих отцев почтим вы, Ионо
и Вассиане, / насаждени бо в дому Господни, /
процвели есте правдою / и, яко кедри в пустыни, /
умножили есте стадо Христово словесных овец / в
преподобии и правде.**

**Якоже Ангели земнии, пожили есте, / воздержани-
ем тело свое удручивше, / всеславнии, / бдением
и памятью смертною, / и великими восхождени /
войстинну приблизились есте / к Самому Каменю,
Христу, краеугольному.**

**Глас 4: Жития, долу влекущая, / и пищи наслаж-
дения, / и цветущую славу, прехвальнии, оставль-
ше, яко временну, / Христови прилепистесь, / Того**

добро́тою краси́ною распала́еми, / и венце́м нетле́ннаго Ца́рствія благоле́пно венча́стеся.

Сла́ва, глас 5:

Возсия́ днесь пресвѣтлая и всепразднственна́я ва́ша па́мь, / преподо́бнии отцы́ Васси́ане и Ио́но, / созыва́ющи многочи́сленное по́стников сосло́вие / и преподо́бных ликосто́яния, / А́нгелы же с челове́ки, / к похвалѣ́нью И́же в Тро́ице покланя́ема Бо́га на́шего, / те́мже, притека́юще к мощѣ́м ва́шим / исцелѣ́ния да́ры обильно прие́млем / и вас венча́вшего Христа́ прославля́ем, / Спа́са душ на́ших.

И ны́не, Богоро́дичен:

Храм и дверь еси́, пала́та и престолъ Царе́в, / Де́во Всечестна́я, / Ею́же Изба́витель мой, Христо́с Госпо́дь, / во тьме спя́щим яви́ся, / Со́лнце сый Пра́вды, / просвети́ти хотя́, я́же созда́ по образу́ Своему́ руко́ю Своёю. / Те́мже, Всепе́тая, / я́ко ма́терне дерзнове́ние к Немю́ стяжавша́я, / непреста́нно моли́, спасти́ся душа́м на́шим.

На стихо́вне стихи́ры, глас 4.

Подобен: Я́ко до́бля:

Во Христа́ обо́лкъшеся, / тле́емаго челове́ка богому́дренно совле́кшеся, / и духо́вною благода́тию при́сно просвещáеми, / я́ко звѣзды свѣтлыя, ми́рови просия́ли есте́, / моля́щеся от тли и бед изба́витися / и́же ве́рою соверша́ющим при́сно честну́ю па́мь ва́шу.

Стих: Честна́ пред Го́сподем / смерть преподо́бных Егó.

Ны́не пи́щу райску́ восприе́млюще, / и свѣтом огражда́еми, / и жизньъ вѣчну́ю наслѣдству́юще, / к вам прибега́ющия от бед изба́вите, / и искуше́ний разли́чных, и вся́каго озлобле́ния, / к Бо́гу дерзнове́ние стяжавше́ / и любо́вь показу́юще к нам войсти́нну христопо́добну́ю.

Стих: Блаже́н муж, боя́йся Го́спода, / в за́поведех Егó восхо́щет зело́.

Богонóсцы вседѣвнии, / Тро́ицы побóрницы, / к борѣ́нью проти́ву миродержи́теля тьмы му́жескою

мудростию ополчившися, / и, того низложивше, / победными увязостесь венцы, / сего ради Божественную и светоносную совершаем вашу память, / освящаемы благодатию.

Слава, глас 6:

Преподобнии отцы, / далече изыде вещание исправлений ваших, / тем на Небесех обресте мзду трудов своих, / имиже бесовския разрушили есте полки / и Ангельския достигли есте чины, / ихже житию непорочно поревновасте; / дерзновение убо имуще ко Господу, / мир испросите душам нашим.

И ныне, Богородичен: Творец и Избавитель:

Тропарь, глас 8:

Прежде отвержением мира, / яко морскаго треволения, избегосте, отцы преподобнии, / послежде же, изволением Божиим, / в водах морских кончину блаженную приясте / и к неболезненному покою преставистесь от земли, радуящися. / Тем и по кончине от Христа Бога прославистесь чудесы обильно, / теплии в бедах верным помощницы показастесь, / и ныне на Небесех предстояще Престолу Христову, / Вассиане преблаженне и Ионо преславне, / молитесь присно о душах наших.

НА УТРЕНИ

На Бог Господь: тропарь преподобным, дважды. Слава, и ныне, Богородичен.

По 1-м стихословии седален, глас 4:

Подобен: Вознесыйся:

Земных и тлеющих наслаждения небрегли есте, / и монашеское житие возлюбили есте, / мира красоты и пищи временныя возненавидевше, / и отсюду сподобистесь постническому сочтастися лику, / с ними же молитесь спасти чада своя.

Слава, и ныне, Богородичен:

Иже на Престоле Херувимсте седяй и в недрах Отчих пребываяй, / яко на Престоле седит святем

Своём, Владычице, / на лоне Твоём Плотносец: /
 Бог убо воистинну воцарися над языки, / и разумно
 ныне поём Ему, / Егоже моли спастися рабом
 Твоим.

По 2-м стихословии седален, глас 8:

Отрекоетесь плоти Христа ради / и духовнии
 явитеся людем водителие: / услышали есте словеса
 тайных учений, / иноком же явитеся правило
 правости, / и страсти вся крепостию попрали
 есте, / и коварства бесом до конца попалили есте, /
 темже Христу изрядно всегда, Богоноснии отцы,
 молитесь / грехов оставление подати чтущим свя-
 тую память вашу.

Слава, и ныне, Богородичен:

Се Тебе роди родов славят, якоже прорекла еси,
 Отроковице, / Создателя бо всех была еси палата и
 Божественный храм, / в немже вселися Вышний и
 плотию обложися, да спасет нас.

По полиелеи седален, глас 8.

Подобен: Премудрости:

Егда, блаженнии, к Божественному желанию ум
 свой вперили есте, / тогда оставите вся долу
 влекущая мудрования / и, в пустыню всельшися,
 яко крин, процвели есте добродетельми, прекрас-
 ни, / страстей искоренивши терние / и в ней
 насадивши плоды трудов своих, / темже и пожав-
 ше рукояти богатство неотъемлемое на Небесех, /
 отцы преподобнии Вассиане и Ионо, / молитесь
 Христа Бога согрешений оставление даровати /
 чтущим верою святую память вашу.

Слава, и ныне, Богородичен:

О Тебе радуется, Благодатная, всякая тварь, /
 Ангельский собор и человеческий род, / освящен-
 ный храме и раю словесный, / девственная похва-
 ло, из Неяже Бог воплотися и Младенец бысть, /
 прежде век Сый Бог наш: / ложесна бо Твоя
 престол сотвори / и чрево Твое пространные Небес
 содела. / О Тебе радуется, Благодатная, всякая
 тварь, слава Тебе.

Степenna, 1-й антифoн 4-го гласa. Прокимен, глас 4: Честна пред Господем / смерть преподобных Его. **Стих:** Что воздам Господеву о всех, яже воздаде ми? **Всякое дыхaние: Евангелие от Матфея, зачало 43.**

По 50-м псалме стихира, глас 6:

Преподобнии отцы, / в дальняя изыде вещание исправлений ваших, / темже на Небесех обресте мзду трудов ваших, / имиже бесовския разрушили есте полки / и Ангельския достигли есте чины, / ихже житию непорочно поревновасте, / дерзновение убо имуще ко Господу, / мир испросите душам нашим.

Канон Пресвятей Богородице со ирмосом на 6 и преподобным на 8, глас 2.

Песнь 1

Ирмос: Грядите, людие, / поим песнь Христу Богу, / раздельшему море и наставьшему люди, / яже изведе из работы египетския, / яко прослави-ся.

Просвещением Трисолнечнаго Божества озарившися, премудрии, / светила явились есте / и просвещаете верно светоносную вашу память чтущих.

Вы во всем Творцу возложивше себе / и вседуховное желание излиывше к Нему, / духовную благодать восприяли есте.

Светом благодати озаряеми, преподобнии, / верою память вашу торжествующих просветите / и от тьмы греховныя молитвами своими избавите.

Богородичен: Плотию Безплотнаго породивши, Богородительнице Пречистая, / телесных нас и душевных скверн омий / окроплением Божественныя Твоея молитвы.

Песнь 3

Ирмос: Утверди нас в Тебе, Господи, / Древом умерщвлей грех, / и страх Твой всади / в сердца нас, поющих Тя.

Напоивше души слезными потоки, / содеяете их,

преподобнии, плодоносны / и добродетели всякия
износящи, преславнии.

Исцеление содевают Божественною благодатию
мощи ваша / и отгоняют болезни человеческия, / и
укрепляют мудрования их восхвалити труды
ваша, всечестнии.

Со врагом древле боршесь воздержанием / и
ныне крепостию поставивше на него победу,
преподобнии, / венцы славы прияли есте от
Господа.

Богородичен: Из ложесн Твоих, Дево, / великое
Солнце возсия преславно, просветив земная, /
Егоже осияния преподобных лик приял есть.

Седален, глас 4.

Подобен: Явился еси:

Житейское море воздержанием без труда преп-
лыбше, / ко пристанищу мысленному безстрастия
пристали есте, / преподобнии отцы и Богомудрии.

Слава, и ныне, Богородичен:

Девство и рождество выше естества и слова в
Тебе, Богородице, стекостася, / яко Бога воплощ-
шася породила еси, / Спаса душ наших.

Песнь 4

Ирмос: Услышах, Господи, / славное Твое
смотрение / и прославих, Человеколюбче, / непо-
стижимую Твою силу.

Яко Христово смирение возлюбивше, / вознесо-
стеся безстрастием / и смирили есте вся бесовския
гордыни.

Возсиявше, яко солнце, / чудес лучами просве-
щаете, преподобнии, всю подсолнечную.

Кадило благоухания Всевидцу, преподобнии, /
свои молитвы принесосте, яко овня духовно.

Богородичен: Блажит Тя, Пречистая, / препо-
добных лик и всяка душа верных: / Божие бо
Слово паче ума и слова родила еси.

Песнь 5

Ирмос: Света Подателю и веков Творче,
Господи, во свете Твоих повелений настави
нас: / разве бо Тебе, иного бога не знаем.

Еди́ной любви Христо́вой вы прило́жшеся душа́ми / и потща́вшеся исполнители бы́ти Бо́жим за́поведем, / мно́гих чуде́с прия́те благода́ть, пресла́внии.

Незло́биви и кро́тцы, вся зло́бы вра́жия погуби́сте, / ми́лостиви до конца́ я́вльшеся: / от Еди́наго же Ми́лостиваго прия́те благода́ть и́стинную и спаса́тельную.

Зако́ном, и моли́твою, и постомъ всегда́ претерпева́сте, / в безстра́стие оде́ястеся, / плотскій ра́зум смири́вше кре́постию Свята́го Ду́ха.

Богоро́дичен: Воспо́йте Господеви песнь но́ву, / возсия́вшему боголе́пно из чрева Неискусобра́чныя / и Сию́ ве́рным показавшу твёрдую наде́жду и похвалу́.

Песнь 6

Ирмос: *В бездне грехо́вней валя́яся, / неизсле́дную ми́лосердия Твоего́ призыва́ю бездну: / от тли, Бо́же, мя возведи́.*

Кроплéнием вели́ких по́двиг ва́ших, отцы́, / победи́ли есте́ бесо́в лица, / распéншемуся нас ра́ди Госпо́ду угожда́юще, преподо́бнии.

Благия́ нра́вы, отцы́, стяжа́ли есте́ / и от Благода́теля Бо́га дар прия́те богáтно, / и сегó подаёте тре́бующим, преподо́бнии.

Дарова́ний напо́лнитеся духо́вных, отцы́, / неприязненныя ду́хи повину́ли есте́, / Вассиáне и Ио́но Богому́дри.

Богоро́дичен: Душе́вныя моя́ стра́сти исцели́, / Я́же безстра́стия бы́вши исто́чник, / просвети́вшая ли́ки преподо́бных оте́ц рождество́м Твои́м.

Конда́к, глас 2.

Подобен: *Вы́шних ища́:*

Яко сокрови́ще богáтно, / ве́рным Божество́нная благода́ть / из морскихъ недр издаде́ мо́щи ва́ша, отцы́ преблаже́ннии, / и в ме́сте пу́сте це́лы и невреди́мы обрето́шася пресла́вно, / и та́ко вас ра́ди ны́не сла́вится Бог, / Е́муже со дерзнове́нием предстоя́ще ны́не на Небесе́х, / Вассиáне и Ио́но досточу́днии, / моли́теся непреста́нно о всех нас.

Икос:

Премно́жеством добродѣтелей ва́ших, преподо́бнии, / яко сад красны́й, исполнь сущѣ / и, яко от ра́я, процвѣтше пощѣнием и моли́твами, / всех благоухаете от воні́ мно́гих ва́ших трудо́в, и по́двигов, и по́тов преподо́бнических, / в нихже проидо́сте благоиску́сно к безско́рбному животу́ / и венце́м побѣдным увязо́стеся от руки́ Венцеда́теля, всех Бо́га, / Егоче моли́те непреста́нно о всех нас.

Песнь 7

Ирмо́с: *Образу злато́му, на по́ле Де́йре служи́му, / три́е Тво́й о́троцы небрего́ша безбо́жнаго велѣ́ния, / посреде́ же огня́ вве́ржени, ороша́еми, по́яху: / благословѣ́н еси́, Бо́же оте́ц на́ших.*

Ору́жием ва́ших моли́тв, преподо́бнии, победивше бе́сы лука́выя, / с Небесе́ благода́ть прия́ли есте́ исцеля́ти недуги́ / и прогоня́ти ду́хи лука́выя от взыва́ющих: / благословѣ́н Бог оте́ц на́ших.

Пло́ти ва́ша повину́ли есте́, отцы́ му́дри, ду́хови / и воздержáнием вся́цем пож́исте в добродѣ́янии, прехва́льнии, / иму́ще ч́исту со́весть и жити́е Небѣ́сное, воспева́юще: / благословѣ́н Бог оте́ц на́ших.

Путѣ́м и́стинным входя́ще в Божѣ́ственное покóище, / уклони́стеся напáстей бесóвских, блаже́нии, / Божѣ́ственною покрывáеми благода́тию, и вопи́юще: / благословѣ́н Бог оте́ц на́ших.

Богорóдичен: *Ору́жие, Ч́истая Де́вица, храня́щее прѣ́жде врата́ Еде́мская, / плещи́ всем да́ет, низлож́ившим по́стнически бор́ителя врага́ и пр́сно взыва́ющим: / благословѣ́н Бог оте́ц на́ших.*

Песнь 8

Ирмо́с: *В купинѣ́ Моисе́ю Де́вы чу́до / на Сина́йстей горѣ́ Прообраз́ившаго ино́гда / по́йте, благослови́те / и превозноси́те во вся вѣ́ки.*

Слез ва́ших ка́пли угаси́ша огонь грехо́вны́й, / ре́ку же чудес́ показáша всем нам, / вся́кия стра́сти пото́пляюще притека́ющих к вам, пресла́внии отцы́.

Вѣру и надежду неразори́му, / и любовь истинну имѣли есте, отцы, и милостивное прилежание, / терпение благо и поучение словес духовных, / смиренномудрство и совершенное беззлобие.

Подвизаетесь добре, и, победивше вся вражия дѣйства, / венчаетесь, мудрии, и ко всем преподобным причтостесь, / с ними же вас чтим и превозносим Христа во веки.

Богородичен: Спаси мя, Мати Божия, спасению начало миру явльшиися, / избавляющи мя молвы нечистых страстей и всякия противныя скорби, / да Тя славлю во вся веки.

Песнь 9

Ирмос: От Бога Бога Слова, / неизреченною мудростию пришедшаго обновити Адама, / ядую в тление падшаго люте, / от Святыя Девы неизреченно воплотившагося нас ради, / вернии, единомудренно песньми величаем.

Се отвѣрзесе вам, Богоноснии отцы, Царство Небесное, / скончавшим доброе течение, / видите бо, яже видят Ангели, и воздаяние трудов подаёт вам почести Бог, / темже ублажаем вас.

Сокрушенным сердцем Богу угодивше и сокрушивше бесов козни, / сокрушенные от них исправисте, Богоносцы, / темже ублажаем вас верно, кланяющееся мощем вашим, Богоблаженнии.

Выспрь к Богу иместе мысль, Богоноснии отцы преподобнии, / и земная оставили есте, и Небесная восприясте / трудов ради ваших и воздержания неослабнаго, / сего ради почитаем вас.

Богородичен: Поощади мя, Господи, поощади, егда хощеши судити ми, / и не осуди мене во огонь, ни яростию Твоею обличи мя, — / молит Тя, Христѣ, рождающая Тя Дева, и Ангельстии собори, и преподобных составы.

Светилен.

Подобен: Посетил еси:

Процвели есте, яко финикс давидски, отцы, / обители явистесь Духу Пресвятому, / и славно вселенней покажетесь, / о нас непрестанно молитесь, / почитающих верою пречестную память вашу, преподобнии.

Сла́ва, и ны́не, Богоро́дичен:

Тя пѣсньми немолчными ублажа́ем, Дѣво, / яко от Троицы Еди́наго родила́ еси́, Богороди́це, / и носиши на Божественную руку́ Пребога́тое Слово, / непременно и неизмѣнно.

На хвалі́тех стихіры, глас 4.

Подобен: Дал еси́ зна́мение:

Светлѣйше просия́ше, якоже со́лнце, преподо́бнии, / всепразднственная па́мь ва́ша, / луча́ми облистáющи / ва́ших добродѣтельныхъ де́яній, блаже́ннии, / и озаря́ющи ве́рныхъ чу́вства свѣтомъ чуде́с ва́ших, / сию́ ўбо прázднующе, радостно вас восхваля́ем / и ве́рно ублажа́ем.

Якоже А́нгели земни́и, пожи́ли естѣ, / воздержáниемъ тѣло своѣ удручи́вше, всесла́внии, / бде́ниемъ, и па́мьтию смѣртною, / и вели́кими восхожде́нии / прибли́жилися естѣ к Самому́ Ка́меню, Христу́, краеуго́льному.

Стра́сти телесныя воздержáниемъ утоми́ли естѣ / и, приле́жнымъ молѣниемъ / зми́я льсти́ваго слѣзными пото́ки от себѣ отгна́вше, / отцы́ преподо́бнии, / угоди́ли естѣ Бо́гу па́че инѣх, досточу́днии, / те́мже вас украси́ Небесными́ дарова́нии / Иису́с Человеколю́бецъ и Спасъ душъ на́ших.

Сла́ва, глас 8:

Преподо́бнии отцы́, / поучáвшесе́ день и но́щь въ за́конѣ Господни, / досто́йны бы́ли естѣ дре́ва живо́тнаго са́дове бы́ти, / и плодъ вашъ страда́ньми и венцы́ процветѣ, / дерзнове́ние ўбо иму́ще къ Подвигополо́жнику Христу́ Бо́гу, / проси́те намъ очище́ние и ве́лию ми́лость.

И ны́не, Богоро́дичен:

Влады́чице, приими́ моли́твы рабъ Твои́х / и изба́ви нас / от вся́кия ну́жды и печа́ли.

Славосло́вие вели́кое. Тропа́рь и отпу́ст.

НА ЛИТУРГІИ

Блаже́нны от канона́ преподо́бныхъ, пѣсни 3-я и 6-я. Прокі́мен, глас 7: Честна́ предъ Го́сподемъ / смерть преподо́бныхъ Его́. Стихъ: Чтѣ́ возда́мъ Го́сподеви́ о всехъ, яже воздаде́ ми? Апѣ́столъ къ Галáтомъ, зачáло 213. Евáнгелие от Луки́, зачáло 24. Прича́стен: В па́мь ве́чную:

Молѣтва

О преподобнии и всечестнии отцы Вассиане и Иона, угодницы Христовы блаженнии и чудотворцы преславнии! Постничеством Богу первее угодивше и дела благочестно на земли подвизавшеся, яко светила светлая, по смерти в мире возсиявше, просвещающе верных чудес светлостию, вы заступницы теплии покажетесь. Многих, в скорбех и бедах страждущих и погибнути имущих, здравы сохраните, непослушавших же завещания вашего и маловерующих отмстительно наказаете, и прежде заблуждшей женé путевожди бысте, и ослепшему паки прозрение дароваете. Дерзостне же коснувшася целebных мощей ваших напрасно отринусте и, разслаблением наказавше, помилуете. К сим же и иная преславная соделаете, и бывшее оскудение во обители вашей сугубо исполните, соблюдаяще ю. Молимся убо ныне вам, о преблаженнии отцы, услышите моление наше, не презрите нас в бедах и скорбех, призывающих вас верою, будите помощницы нам скории и покровители, сохраните же во благоденствии, мире и тишине отечество наше. К сим же и духовнаго о вас собрания не оставите до конца, посещаяще я всегда, о преподобнии, избылованием всяцем, и молитесь присно о нас ко Господу, да молитвами вашими грехов прощение получим, и Царствия Небеснаго сподобимся благодатию Его, яко Тому подобает всякая слава, честь и поклонение, ныне, и присно, и во веки веков. **АМИНЬ.**

Преподобные Вассиан и Иона— иноки Соловецкого Преображенского монастыря, ученики святого игумена Филиппа, впоследствии Митрополита Московского (†1569; память 9 января).

Святых иноков Господь прославил после кончины (1561).

Рыбаки и моряки приезжали помолиться в часовню, воздвигнутую в 1599 году над местом их погребения старцем Троице-Сергиева монастыря Мамантом. В 1623 году иеромонах Иаков основал там обитель, получившую название Пертоминской.



Преподобнаго отца нашего Петра Корытского

НА МАЛОЙ ВЕЧЕРНИ

На Господи, возвах: **стихиры, глас 8:**

Законном Христовым научився, / небрегл еси о
пищи и о одежде, / но небесных птиц дело
исполнив, отче, / и в пещеру вселився, / без пищи и
без покрова на многа лета пребыл еси, преподоб-
не, / темже во свете изыде правда твоя, / и, якоже
полудне, отче, возсиял еси.

На рало возложил еси руки своя, всечестне, /
делая всегда Божественная, / и не возвратился
еси, зря вспять, / но был еси управлен во Царствие
Христа, / воплощагося Бога, / во спасение душ
наших.

В лодий телесней возим, / короткими дыханием
краткаго духа / легко прешел еси житейскую
пучину, мудре, / и на Бисере многоценнем твоя
имения продав / и обрет Его, в себе удержал еси, /
блажен быв Божественными добротами Его.

Преподобен и честен, / светильник Божествен-
ный и светоносный / под спудом житейския тол-
стоты никогдаже скрывается, / но на версе полага-
ет его высоких чудес Человеколюбец. / Того молит-
вами, Христе, / даруй людям Твоим великую милость.

Слава, глас 1:

Наста, Богоносе, / солнца светлейший твой
праздник, / озаряет приходящая к тебе верою, / и
безсмертием облагоухает, / и душам источает исце-
ления, / Петре преподобне, молитвенниче о душах
наших.

И ныне, Богородичен, глас тойже:

Святэйшая святых всех сил, / Честнейшая всей
твари, / Богородице, Владычице мира, / спаси ны,
Спаса рождающая, / от прегрешений творичных* и
бед, / яко Благая, молитвами Твоими.

* творичных — весьма многих, бесчисленных

На стиховне стихіры, глас 2.

Подобен: Дóме Евфрафов:

Явѣлся еси / от матерних пелен / сосуд священ
Богу, / Богонóсе óтче наш Пётре, / и дом Пресвятá-
го Духа.

Стих: Честна пред Господем / смерть преподоб-
ных Егó.

Нося на раме своём, Пётре, / Крест Господень, /
бесóвская мечтáния до концá, / óтче наш, / потре-
бил еси.

Стих: Блажен муж, бойся Господа, / в заповедех
Егó восхо́дет зело́.

Лести лукавых бесов / обличил еси крестною
си́лою, / мýдростию же вѣры / уяснил еси славу
Христову, / Пётре, óтче наш.

Слава, глас 8, самогласен:

Приидите днесь, благовернии лю́дие, / и прите-
цем преподóбному Петру́, отцу́ нашему, / я́ко да
своими моли́твами / изба́вит всех нас от тлетвор-
ных страстѣй / и искушѣний лукавых / и испросит
ро́ду нашему на враги́ победы, / пленѣнным сво-
бождѣние, / брáтиям любовь, миру́ устроѣние, /
Цѣрквам соединѣние / и душáм нашим велию
мѣлость.

И ны́не, Богородичен, глас тойже:

Владычице, прими́ моли́твы раб Твои́х / и
изба́ви нас / от всякия нýжды и печáли.

Тропа́рь пи́сан на вели́цей вечерни.

НА ВЕЛІЦЕЙ ВЕЧЕРНИ

Блажен муж: 1-й антифóн. На Господи, воззва́х:
стихіры, глас 8:

Преподóбне óтче Богомýдре, / благими нра́вы
укра́сився, / Христу́ прилепился еси́ от ю́ности, /
плотскія́ страсти умертвѣв воздержáнием, / глаго́-
лов и зако́нов Бóжиих исполнителъ быв, / испол-
нился еси́ Божѣственных дарóв и чудес, / и всем
лучи́ богáтно испусти́л еси́, / и ны́не моли́ спастися
душáм нашим.

Преподобне отче преславне, / совесть имёл еси благу / и око сердечное, взирающее к Богу. / Крепостию Христа возмóg, / державу вражью и силу низложил еси / и, весь прилежá Вседержителю, / свергг еси на зёмлю велехвального / изрядными делы твоими, / и ныне моли спастися душам нашим.

Преподобне отче досточудне, / дýшу твою храм Святому Дýху содеял еси, / и был еси наследник Горняго Царствия с Вьшними силами: / многоболёзненные страсти всегда врачúеши приступающих к тебе, / благодать бо приим от Господа / содевати знамения и чудеса, / и ныне моли спастися душам нашим.

Ины стихиры, глас тойже:

Собравшеся яко верное Христово стадо / к ковчегу преблаженного отца нашего Петра, / благоговейно поклонимся, / хвалу достойную в песнях воздаёмú / и моляся усердне, / да подаст всем верным исцеление благодатию Господа, / Емуже благочестно покланяемся.

Приидите, новосвященные люди, / избранное стадо Христово, / да прославим память преблаженного отца нашего Петра, / в вертепе возсиявшего и к нам пришедшаго, / иже и по смерти даёт слепым зрак, / хромым — хождение, глухим — слух, / согбенным — исправление, / бесы же изгонит / и, дýхом предстоя Владыце, / молится о спасении душ наших.

Ихже око не виде и ухо не слыша, / ниже на сердце человека взыде, / яже уготова Бог возлюбльшим Его, / сих ты возжелел еси, / отче Пётре Богодухновенне, / возненавидел еси мирское пристрастие, / к Богу единому притекл еси, / и, Того благодости присно насыщаяся, / молися Ему прилежно, / спастися душам нашим.

Слава, глас 2:

Преподобне отче Пётре, / аще и в последних временах явился еси, / обаче житие твоё и исправления / равно древним отцем показася. / Темже Христос, ведый твои подвиги / и души твоея

чистоту́, / воспросла́ви тя на земли́, / да и мы к подобной подвиго́в твои́х ре́вности воспря́нем / и сподобимся на Небесéх с тобою́ / достигнути вéчнаго блаженства.

И ны́не, Богорóдичен.

Вход. Прокíмен дне и чтéния три преподóбническа́я (зри страницы 14—15).

На литíи стихíры, самогласны, глас 1:

Приидíte, лю́дие, восторжеству́им днесь, / сла́вяще преподóбнаго отцá нашего́ Петра́, / в Корíше возсия́вшаго, / и, вопию́ще ему́, сiце рцем: / ра́дуйся, корíшское свети́ло, / осиява́ющее всю Сёрбскую страну́, / источая́ благодáтныя струй / и подавая́ всем исцелéние.

От юности́ своея́ Бóга возлюбил еси́, / желáл еси́ служíти Ему́ véрою и любóвию, / воздержáнием, постóм и молíтвою, / сегó ра́ди, укротíв стра́сти, / трудíлся еси́ днем и но́щию, / терпя́ всякия скóрби / и преодолевая́ вра́жеския навéты, / ны́не же в Небéсных селéниях водворя́ясь, / моли́ся о душа́х на́ших.

Сла́ва, глас 5:

Ра́дуйся, пресвётлое свети́ло, / Богозрáчное церкóвное украшéние, / iже процвёл еси́ благоухáнием, я́ко крин, / Влады́ще Христу́ подражая́ / и благодáти Егó вручая́ся. / Тёмже чiстое А́нгельское житиé стяжав, / гóры, вертéпы и гра́ды свётло украси́, / сегó ра́ди Богоугóдный венéц восприя́л еси́, / ре́ки Богодухновéннаго учéния источил еси́, / преподóбне óтче Пётре, / Христу́ же моли́ся о нас, ча́дех твои́х, / дарова́ти душа́м на́шим мир и вéлию мiлость.

И ны́не, Богорóдичен:

Твёрдое и непрелóжное упова́ние véмы Тя, Богорóдице, / Егóже держимся и, упова́я, молимся: / сохрани́ нас, и град сей, и вся гра́ды и страны́ христиáнския / от всех бед, находя́щих челове́ком согрешáющим, / но молíтвами Твои́ми приéмлющим / áбие согрешéний оставлéние.

На стихóвне стихи́ры самогласны, глас 2:

Избѣгл еси́ житѣйскую красоту́, Богомудре Пётре, / послѣдовав Христу́, / тѣмже приял еси́ жизнь вѣчную, / красоты́ неувядаѣмая и неизменяѣмая.

Стих: Честна́ пред Го́сподем / смерть преподобных Егó.

Млад проводя́ вóзраст, / старческий имѣл еси́ разум, / тѣмже жизнь дóбрую упражня́я / в воздержании, и труда́х, и молитвах, вѣну взыва́л еси́: / сла́ва, Христѣ, благоутрóбию Твоему́.

Стих: Блажен муж, бойся Го́спода, / в заповедех Егó восхо́щет зело́.

Светильник явился еси́ вели́кий, / Богомудре óтче наш Пётре, / просвещая́ подсолнечную / чудес сия́ньми / и Божѣственными дея́ньми, / тѣмже по успѣнии Незаходимый Свет приял еси́, / сего́ ра́ди моли́ся спасти́ся душа́м на́шим.

Сла́ва, глас 6, самогласен:

Преподобне óтче Пётре, / твой ум от страсте́й свободен соблю́д, / Ду́ху Пресвято́му сосу́д священ был еси́ / и, Христа́ приим в се́рдце своём, / чудотворец явился еси́, прогоня́я дѣмоны, / сего́ ра́ди мо́лим тя: / моли́ся непреста́нно о всех нас.

И ны́не, Богоро́дичен: Творец и Избáвитель мой:

На благословѣнии хлѣбов тропа́рь свята́го, два́жды и Богоро́дице Дѣво: еди́ножды.

Тропа́рь, глас 4:

Любóвию Христо́вою просвещѣн, / измла́да возлюбил еси́ мона́шеское жити́е / и, возненавидѣв всякое плотское наслажде́ние, / жити́е твоѣ исполнил еси́ терпѣнием, постóм и молитвами, / просия́л бо еси́ добродѣтелями, я́ко свѣтлое свети́ло, / и ны́не, усѣрдно мо́лим тя: / моли́ Христа́ Бо́га / сохра́нити отѣчество на́ше и весь крестонóсный наро́д се́рбский / и всем дарова́ти ве́лию ми́лость.

НА УТРЕНИ

На Бог Господь: тропа́рь преподобнаго, два́жды. Сла́ва, и ны́не, Богоро́дичен.

По 1-м стихословии седален, глас 1:

Воздержания огнём, яко злато в печи, мудре, искусився, / возсиял еси светлейше солнца, растерзав узы естества преестествонным чистым житием, / вышеестественных приял еси действо, всеблаженне. / Сего ради верою тя восхваляюще, вопием: / благодать, и милость, и очищение согрешений наших, отче, испроси.

Слава, и ныне, Богородичен, глас тойже:

Молитвы Твоих раб прими, Богородице, Заступнице наша и прибежище / к кому бо прибежем, разве Тебе, Владычице? / Ты покров наш и заступление еси, / и ныне не остави нас до конца погибнути, / да Твоими молитвами от бед сохраняемся: / на Тя бо упование возложихом, Богородице.

По 2-м стихословии седален, глас 5:

Постника Господня песнями почтим, / яко умертвивша вся прилоги страстей воздержанием и твердым терпением войстинну, / и посрамивша зело противоборца врага и всю его гордыню, / и ныне молящаяся Господу помилуватися душам нашим.

Слава, и ныне, Богородичен, глас тойже:

Ужасно чудо зачатия и неказанен образ рожества в Тебе познася, Приснодево Чистая, / ужасает мой ум и удивляет помышление, / слава Твоя, Богородице, во всех простресея, ко спасению душ наших.

По полиелеи седален, глас 4:

Преподобных доброты, страдальцев сострадальче, / без крове венчался еси, яко мученик, Христова нося имя Божественное / и дерзновенно всегда проповедуя таинство Святыя Троицы, / Ейже и молиться, Пётре, не претай о восхваляющих тя.

Слава, и ныне, Богородичен, глас тойже:

Удивися Иосиф, еже паче естества зря, и внимаше мыслию, / иже на руно дождь, в безсеменном зачатии Твоём, Богородице, / купину, огнём

неопалимую, жезл Ааронов прозябший, / и, свидетельствуя, обручник Твой и хранитель священником взываеше: / Дева раждает, и по рождестве паки Девую пребывает.

Степенна, 1-й антифон 4-го гласа. Прокимен, глас 4: Честна пред Господем / смерть преподобных Его. **Стих:** Что воздам Господеву о всех, яже воздаде ми? **Всякое дыхание: Евангелие от Матфея, зачало 43.**

По 50-м псалме стихира, глас 6:

Преподобне отче Пётре, / во всю землю изыде вещание исправлений твоих, / тем на Небесех обрел еси мзду трудов твоих, / демонския погубил еси полки / и Ангельския достигл еси чины, / ихже житию без порока поревновал еси, / дерзновение имея ко Христу Богу, / мир испроси душам нашим.

Канон Богородицы со ирмосом на 6 и преподобнаго на 8, глас 8.

Песнь 1

Ирмос: Воду прошед, яко сушу, / и египетскаго зла избежав, / израильтянин вопияше: / Избавителю и Богу нашему поим.

Благими нравы украсився, / Христу прилепился еси от юности, / плотския страсти умертвив воздержанием, / и к животу, преподобне, преставился еси.

Глаголов и законов Божиих исполнитель быв, / исполнился еси, отче премудре, Божественных даров и чудес / и всем лучи богато испустил еси.

Совесть имел еси благу и око сердечное, взирающее к Богу, / темже внят молитве твоей, премудре, / с преподобными сочта тя.

Богородичен: Страсти плоти моея и ума моего двизания неподобная / утоли, молю Тя, Пречистая Дево, / и исправи мя, заблуждшаго умом.

Песнь 3

Ирмос: Ты еси утверждение / притекающих к Тебе, Господи, / Ты еси Свет омраченных, / и поет Тя дух мой.

Весь прилежя Вседержителю, / преподобне отче премудре, / всея бесовския злобы избегл еси.

Высотою смирения украшаем, / на землю свергнул еси велехвального изрядными делы твоими.

Плотию обложен, отче премудре, / смирил еси превзятую* вью нечестиваго смирением словес твоих.

Богородичен: В ложесна Твоя воплощаем, Всенепорочная, вселися Зиждитель, / на благодеяние верно поющим Тя.

Седален, глас 4:

Страстное покорил еси плотское мудрование, / и, горшая поработив лучшему, отче Петре преславне, / сокрушил еси бесовския козни постом / и возсиял еси в мире, яко луча солнечная, сиянии твоих добродетелей, / сего ради ты воспеваем.**

Слава, и ныне, Богородичен:

Стена непобедимая нам, христианом, еси, Богородице Дево, / к Тебе бо прибегающе, невредими пребываем / и, паки согрешающе, имамы Тя Молитвенницу. / Тем, благодаряще, вопием Ти: / радуйся, Благодатная, Господь с Тобою.

Песнь 4

Ирмос: Услышах, Господи, / смотрения Твоего тайнство, / разумех дела Твоя / и прославих Твое Божество.

Содеяв, преславне, душу твою храм Святому Духу, / был еси наследник Горняго Царствия с Вышними силами.

Многоболезненные страсти всегда врачуеши приступающих к тебе: / благодать бо, преподобне, приим от Господа / содевати знамения и чудеса.

Краснейшим прозябением, отче, в дому Божии прозябл еси, / добродетельми украшен и плоды чудесными облагоухаемь.

Богородичен: Нива духовная, якоже из бразды клас, / изнесла еси всю тварь Питающаго, / всяческих Бога, Приснодево.

* превзятую — превознесенную, высокомерную

** горшая — худшее

Песнь 5

Ирмос: Утренююще, вопиём Ти: / Гóсподи, спаси ны, / Ты бо еси Бог наш, / разве Тебѣ, ино́го не ве́мы.

Умо́м очище́нным, пресла́вне, / зриши добро́ту неизрече́нную Христа́, вся́ческих Бо́га на́шего.

Якоже Илия́ на колесни́це, о́тче, / добродете́льми тво́ими возше́л еси́ на Не́бо, Ду́хом облегчава́емь.

Стягну́в* те́ло твоѐ воздержани́ем и чистото́ю, / в Вы́шняя селѣ́ния к широте́, о́тче, дости́гл еси́.

Богорóдичен: Исцели́ недугующа́го ума́ моего́ омраче́ние, / Врача́ рóждшая, Христа́, Всенепоро́чная Влады́чице.

Песнь 6

Ирмос: Моли́тву пролию́ ко Гóсподу / и Тому́ возвещу́ печа́ли моя́, / я́ко зол душа́ моя́ испо́лнися / и живóт мой а́ду прибли́жися, / и молю́ся, я́ко Ио́на: / от тли, Бо́же, возведи́ мя.

Лука́вый умертви́ся зми́й святы́ми тво́ими моли́твами, Богоблаже́нне Пётре, / и от того́ разреша́ются зло́бы и́же зна́мения от тебе́ испроси́вши: / еси́ бо уго́дник Бо́жий всесвѣтел, позна́н был еси́ ве́рен.

Обнови́в приле́жным ра́лом ду́шу твою́, священны́й о́тче Пётре, / добродете́льная в ню́ ввергл еси́ премудре́нно многопло́дная се́мена / и пожа́л еси́ много́различных исцелѣ́ний богаты́я кла́сы.

Кре́постию ду́ха, о́тче, возмо́г, / держа́ву вра́жию и си́лу низложи́л еси́ / и похвалу́ побѣдную́ по́чести при́ял еси́, преподо́бне Пётре, чуде́сными сия́нии.

Богорóдичен: Господь с Тобо́ю, Пречи́стая, я́коже изво́лил есть, быв, Отрокови́це, / всех нас от о́бласти льсти́ваго ходата́йством Тво́им изба́вил есть, / те́мже Тя ны́не по до́лгу, ро́дове родо́в, ублажа́ем.

Конда́к, глас 2:

Вели́чием по́двиг тво́их возсия́л еси́ / и озари́л еси́, Богому́дре, вся́ концы́ земны́я. / Те́мже, и умер, преше́л еси́ / от свѣта к Свѣту возсия́вшему. /

* стягну́в — укрепив

Мы же ныне вопиём ти: / просвети́ наша помышлѣ-
 ния, Пётре, отче наш, / и моли́ непрестанно о всех
 нас.

Икос:

Возлюбив Бóга паче всех, / крóток же и смирен
 сёрдцем, вся в мiре оставил еси́ / и, отрешився
 мирскаго жития, возжелел еси́ всецело послужити
 Бóгу. / Сего́ ради удалился еси́, вкупе со единорóд-
 ною сестрою Еленою, / во еже подвизатися подви-
 гом дóбрым и спасительным. / Восхотев же паки
 крепчайшаго подвига, / оставил еси́ да́же и едино-
 родную сестру́ свою́ Елену / и, отбег ея́, подвизал-
 ся еси́ крѣпко и дóлго. / Тѣмже и победитель явился
 еси́ мно́гих искушѣний и всея́ вражия́ силы. /
 Наставник быв мно́жеству мона́хов, / отонудуже
 дарованіе чудес от Христа́ приял еси́, / тѣмже
 мно́гих жителѣй удивил еси́. / Жития́ же ради
 святаго и Богоугóдных дел твои́х / тебѣ чтут да́же
 и агаряне* и притека́ют к ра́це мощей твои́х,
 просяще твоея́ по́мощи. / Мы же днесь, véрою и
 любóвию восхваляюще тя, вопиём: / раду́йся,
 преподóбне Пётре Богоблаже́нне, / предивная ко-
 ри́шская похвалó.

Песнь 7

Ирмос: *От Иудеи дошедше, отроцы / в Вавилóне
 иногда́ / véрою Трóйческою пла́мень пѣщный по-
 пра́ша, пою́ще: / отцев́ Бóже, благословѣн еси́.*

Прошѣд подвиги по́стныя, отче, / умом крѣпким
 ум прегордый́ Божѣственным смиреніем смирил
 еси́, поя: / благословѣн Бог отец́ наших.

Краснейшее прозябѣние, отче, / в дому́ Бóжии
 прозябл еси́, добродѣтелями украшен, / и плоды́
 чудесными облагоухал еси́.

Просветив твоѣ сёрдце, / начальник был еси́
 священнаго Собора́ отча, / наказуя, и уча, и вся
 приводя́ к Бóжией во́ли, поя: / отец́ наших Бóже,
 благословѣн еси́.

Богорóдичен: **Н**óво Отроча́ рóждши, Пребезна-
 чальнаго Сло́ва, / обветшавшия ны грехом́ обнові-
 ла еси́, Дѣво, и пѣти укрепіла еси́: / отец́ наших
 Бóже, благословѣн еси́.

* агаряне — турки, магометане

Песнь 8

Ирмос: Богоглаголивии отроцы, в пещи/ со огнем пламень попирающе, пояху:/ благословите, дела Господня, Господа.

Наследниче Божественных селений,/ ангельски, отче, пожил еси,/ тем со Ангелы ликует дух твой.

Невозвратно шествовав, отче премудре и досточудне,/ ведущими к Небеси Божественными стезями,/ от зле ведущих до конца уклонился еси.

Всельшеюся благодатию в душу твою, отче,/ лукавно живущии в человецех нечистии духи отгоними бывають.

Богородичен: Вода еси неисчерпаемая, Дево,/ от неяже вси пьюще, благодати исполняемся,/ душею и телом освящаемы.

Песнь 9

Ирмос: Устрашися всяк слух/ неизреченна Божия снизхождения,/ яко Вышний волею сниде даже и до плоти,/ от Девическаго чрева быв Человек./ Темже Пречистую Богородицу, вернии, величаем.

Исцеление источает богато честная твоя рака Божиим Духом/ и страсти многовременныя исцеляет, отче, приходящих к тебе,/ и прогоняет лукавыя духи лютыя,/ и воздвизает верныя восхвалити твою светлыя подвиги.

Тело твое, блаженне, терпеливое, связавшееся веригами,/ страсти неисцельныя прикосновением исцеляет,/ Богу и Спасу ты вельми прославльшу,/ отче премудре и досточудне Петре,/ яко дела твоими добрыми прославльшуся, преподобне.

Процвел еси в постнических удолиих, прехвальне Петре, отче наш,/ яко шипок благоуханен,/ и, якоже крин, благоухал еси совести верных добродетельми и чудесы./ Темже, преподобне, отженй от нас страсти смердящая.

Богородичен: Просвети, Чистая Дево, сетующее сердце мое присно/ преступленьми и житейскими многими молвами,/ не остави мене врагом быти в радость,/ яко да славлю Тя и любовьию пою, Препетая.

Светѣлен:

Свѣтом невещественным озаряемь, / световѣден
войстинну показался еси, преподобне отче Пётре,
/ мужески оттряс вся земная попечения, / душу
свою к Небесем вперил еси, / сего ради ныне на
Небеси ликуеши / яко войстинну наследник Божественных
наслаждений.

Слава, и ныне, Богородичен:

Пресвятая Богородице, Владычице всея твари, /
просвети и нас свѣтом невещественным, / и даруй
нам временное и вечное благополучие, / и избави
нас от всякия нужды и печали.

На хвалитех стихиры на 4, глас 4:

Да радуется днесь вся земля Сербская, / да
веселится, торжествуя, и град Призрен, / яко имея
в предѣлах области своей неистощимое
сокровище — / преподобнаго отца нашего Петра
Коринскаго, / крепкаго представителя и молитвенника
ко Господу, / Егоче непрестанно моли / о
душах наших.

Приидите, вси благовернии людие, / псалмы и
песнями воспоем / преподобнаго отца нашего Петра
Коринскаго, / иже возсия на тверди веры паче
солнца. / Сей бо, желание Божественное восприим,
/ мирскую остави прелесть, / взем же ярем
Христов на рамо, / полки бесов мужески победи / и
ныне на Небесех молится непрестанно / о душах
наших.

Имея всегда бодр ум, / Богомудре отче Пётре,
законом Божественным последовал еси, / повелением
Сотворшаго повинуюся, / показался еси монахов
законоположник / и правило известнейшее, /
наказатель безумных и наставник заблуждших, /
светильник во тьме неведения, / освящающ всю
землю Сербскую, / и ныне моли, во еже спастися
нам.

Имея силу наставляющаго тя Духа Божия, /
Богомудре отче Пётре, / никакоже восхотел еси
внутри мира пребывать, / но, избег мира, в непроходимых
пустынях жил еси / и, яко земный Ангел и
Небесный человек, / со зверьми без боязни ходил

есї, / сего ради и нетленныя жизни причастїлся
есї, / и ныне ликую со Ангелы, / моли о душах
наших.

Слава, глас 5:

Стецїтеся днесь, вся множества монахов, / вос-
трубите трубою псней, / благодать бо Духа,
всякия трубы боголепнейши, / всех созывает к
пению преподобнаго отца нашего Петра: / людие,
яко раби Господни, / да поклонятся искреннему
рабу всех Царя, / монаси да прославят истиннаго
наставника своего, / иже показа детельно изряд-
ный путь любви Божественныя, / пастыри и учите-
ли да восхвалят / войстинну изрядно правило же и
образ пастве, / иже постиже Свет истинный Вседетель-
ныя Троицы / и молится непрестанно о душах
наших.

И ныне, Богородичен:

Тебе молимся, / яко Божией Матери, Благосло-
венная: / моли о спасении душ наших.

Славословие великое, тропарь преподобнаго,
ектений и отпуст.

НА ЛИТУРГИИ

Блаженны от канона преподобнаго, песни 3-я и 6-я.
Прокимен, глас 7: Честна пред Господем / смерть преподоб-
ных Его. Стих: Что воздам Господеву о всех, яже воздаде
ми? Апостол к Коринфяном, зачало 176. Аллилуия, глас 6:
Блажен муж, бойся Господа, в заповедех Его восхощет
зело. Стих: Сильно на земли будет семя его. Евангелие от
Луки, зачало 77. Причasten: В память вечную:

**Преподобный Петр Кориш-
ский** родился в селении Уньмире
Печской области в начале XIII века,
между 1211 и 1215 годами. Его роди-
тели были благочестивыми христи-
анами. Они научили сына чтению
святых книг, кротости, смирению и
незлобию. Святой Петр уже в детстве
полюбил пост и молитву. Он избегал
детских игр со сверстниками, но
любил посещать храм Божий и чи-
тать Священное Писание. Ему глупо-
ко в душу западали слова Писания, что
ради любви Божией нужно оставить
все земное и посвятить себя служе-
нию Богу. Когда умер отец, святой

Петр хотел уйти из родительского
дома, чтобы жить отшельником. Но
мать просила юношу не оставлять ее
и младшую сестру. Ради послушания
матери святой Петр исполнил ее
просьбу, но удвоил свой подвиг поста
и молитвы. На теле преподобный
носил власяницу.

После смерти матери святой Петр
постригся в монашество в храме во
имя святых апостолов Петра и Павла,
расположенном недалеко от его села.
Недалеко от храма преподобный по-
строил хижину для себя и сестры.
Однако уединение святого нарушали
родственники и знакомые. Тогда,

взяв сестру, он отправился на высокую гору около села Корише (ныне Кабаш) близ Призрена. Через некоторое время преподобный Петр, стремясь к большему уединению, оставил сестру и поселился в пещере в расщелине высокой горы. Сестра святого стала жить в селе, подвизаясь в целомудрии и молитве.

Преподобный Петр питался травами и желудями, терпеливо переносил зной и холод. Дикие звери не причиняли ему вреда, но бесы непрестанно искушали святого. Более всего они стремились изгнать подвижника из пещеры, являясь ему в образах различных чудовищ и говоря, что здесь их жилище. Однажды бесы напали на святого в образе множества черных воронов, которые старались выклевать преподобному глаза, но святой подвижник отогнал их молитвой и чтением символа веры.

Особенно досаждал святому змей, поселившийся в его пещере. Когда подвижника, наконец, стало смущать постоянное шипение змея, он стал усердно молиться Богу и призывать на помощь Ангела. Сорок дней преподобный постился, а затем ему явился Архистратиг Божий Михаил и изгнал из его пещеры змея. После этого преподобный Петр стал еще усерднее подвизаться в посте и молитве. Он достиг такой чистоты ума, что провидел устраиваемые против него дьявольские козни и разрушал их молитвой.

За любовь к Богу и великое терпение преподобный Петр удосто-

ился видения несказанного Света, который много дней и ночей освещал его пещеру.

Преподобный Петр подвизался в уединении до глубокой старости. Незадолго до кончины его жилище было обнаружено боголюбивыми иноками, которые просили святого позволить жить с ним. Преподобный Петр благословил их построить келлии недалеко от его пещеры. В пещере, где жил святой, была устроена часовня, стены которой были расписаны изображениями святых. Преподобный просил учеников высечь себе в скале гроб. Перед кончиной он поведал ученикам свое житие.

Преподобный Петр Коришский мирно скончался 5 июня 1270 (или 1275) года. В ночь, когда святой скончался, ученики видели в его пещере чудесный Свет, множество свечей и слышали ангельское пение. Господь прославил мощи Своего угодника благоуханием и чудесами.

В 1343 году на месте подвигов преподобного Петра был сооружен храм. Житие преподобного и служба ему написаны иноком Феодосием Хиландарским в XIII веке. В конце XVI века иноки Коришского монастыря, скрывая от турецких захватчиков святые мощи, перенесли их в пещерный храм монастыря у Черной реки близ Калашина, где они почивают и ныне.

Литература

1. Иустин (Попович), архимандрит. Жития святых (на сербском языке). Июнь. Белград, 1975.

В
ТОЙЖЕ
ДЕНЬ

Пренесение мощей святого благоверного князя Игоря

(Службу зри 19 сентября)

Тропарь, глас 4:

Наста днесь всечестная память страсотерпца благоверного князя Игоря, / созывающая люди в пречестный храм Спасов, / идеже радостно сошедшеся благочестивых множество / молитвен-

но прázднуют святу́ю па́мять твою́, / и с ве́рою
взыва́ют ти: / моли́ся, свя́те, странé Росси́стей,
гра́ду Черни́гову и всем правосла́вным
христиа́ном / в ми́ре и благоде́нствии спасти́ся.

Конда́к, глас 6:

Измени́л еси́ земна́го княже́ния сла́ву / во ино́че-
ства о́браз смире́нный / и страда́льчески зем-
но́е жити́е сконча́в, / ны́не на Небесе́х ра́дуешися, /
усе́рдне моля́ся / о чту́щих тя, Игоре, страда́льцев
похва́ло.

**Перенесение мощей блаженно-
го Игоря, великого князя Киев-
ского.** Великий князь Киевский
Игорь Ольгович, в святом крещении
Георгий (память его 19 сентября), в
1146 году был разгромлен и взят в
плен князем Изяславом и заточен в
одном из монастырей Переяславля
Русского или Южного (ныне Переяс-
лав-Хмельницкий). Вдали от суеты
мира сего, тяжело больной, он стал
раскаиваться в своих грехах и просил
разрешить ему постричься в монахи.
5 января 1147 года епископ Переяс-
лавский Евфимий постриг его в ино-
чество с именем Гавриил. Вскоре он
выздоровел и был переведен в Киев-
ский Феодоровский монастырь, где
принял схиму с именем Игнатий и
предался иноческим подвигам.

Но дух братоубийственной нена-
висти бушевал над Киевом. Черни-
говские князья, двоюродные братья
Игоря, замыслили заманить Изясла-
ва Киевского в совместный поход с

тем, чтобы захватить его или убить.
Заговор открылся, когда князь был
уже на пути к Чернигову. Возмущен-
ные киевляне, узнав о коварстве
черниговцев, обрушили месть на них в
чем неповинного князя-схимника.
19 сентября 1147 года святой Игорь
был зверски убит.

Господь прославил страдальца чу-
десами. По благословению митропо-
лита Климента Смолятича, игумен
Феодоровского монастыря Анания со-
вершил погребение страстотерпца в
храме Киевского Симоновского мона-
стыря. 5 июня 1150 года, когда киев-
ский стол был занят Юрием Долгору-
ким, его союзник, князь Чернигов-
ский Святослав Ольгович, родной
брат убиенного Игоря, торжественно
перенес святые мощи князя Игоря на
родину, в Чернигов, где они были
положены в раку «с теремом» в
кафедральном Спасском соборе. Тог-
да же было установлено празднова-
ние памяти святого.



Святителя Константи́на, митрополита Киевскаго

Тропа́рь, глас 4:

Апóстолов пре́емниче, / архиере́ев сопресто́ль-
ниче, / Ро́ссии все́я па́стырю и учи́телю, /
всеблаже́нне о́тче Константи́не, / Влады́ще всех
моли́ся / мир па́стве твоёй дарова́ти / и спасе́ние
душа́м на́шим и ве́лию ми́лость.

Кондак, глас 8:

Звездѹ российскую, / от Кіева возсіявшую / и Чернігов блаженноу кончиною своєю озарившую, / всеблаженнаго святителя Константина почтѣм, / просяще его молѣтися Христу, / да подаст мир странѣ нашей / и душам нашим велию милость.

Святой Константин I, митрополит Киевский.

В 1155 году Ростово-Суздальский князь Юрий Долгорукий вступил в первопрестольный град Киев и стал великим князем. Объединив почти всю Русскую землю, Юрий Долгорукий приступил к разрешению церковных дел, требовавших устроения с 1145 года, когда митрополит Киевский Михаил оставил кафедру и удалился в Константинополь (в 1147 году великий князь Изяслав Мстиславич и Собор русских епископов поставили митрополитом Киевским Климента Смолятича без участия Константинопольского Патриарха, но не все епископы согласились с этим, и в Русской Церкви началась смута).

По инициативе князя Юрия Долгорукого были проведены успешные переговоры с Константинополем. В январе 1156 года в Константинополе получил посвящение на Киевскую кафедру митрополит Константин, который в том же году приехал в Киев. Перед отправлением в свою северную Митрополию он в январе того же года участвовал в Константинопольском Соборе, обсуждавшем вопрос о Евхаристической Жертве. Церковный Собор Русской Церкви в составе митрополита Константина и епископов — Косьмы Полоцкого и Мануила Смоленского приступил к восстановлению канонических норм церковной жизни: «Священнодействия митрополита Климента были «испровергнуты», а князь Изяслав Мстиславич подвергнут строгому соборному осуждению».

Митрополит Константин замещал архиерейские кафедры епископами-греками, стремясь тем самым сделать невозможным повторение Собора 1147 года. В Суздаль на место лишённого кафедры Нестора был назначен грек Леон, в Чернигов — грек Антоний. По всей вероятности греком был

и Косьма, поставленный епископом на вновь учрежденную кафедру в Галиче. В Переяславль-Залесский был поставлен епископ Василий. В Новгороде Великом на вече был избран епископом Аркадий.

У князя Юрия Долгорукого с митрополитом Константином установились, по всей вероятности, добрые отношения, и князь прислушивался к его мнению в государственных вопросах. Так, например, митрополит Константин и киевские игумены просили Юрия не выдавать князя Ивана Берладника в руки князя Галицкого Ярослава.

15 мая 1158 года Юрий Долгорукий скончался. Нелюбившие его киевляне начали грабить княжеское имущество и «избивать» суздальцев по городам и селам. Смерть Юрия Долгорукого позволила захватить великокняжеский стол Изяславу Давидовичу, но в конце 1158 года он был изгнан из Киева Ярославом Галицким и Мстиславом Изяславичем, решившими передать столицу князю Смоленскому Ростиславу.

Митрополит Константин, стремясь избежать мести Мстислава, сына преданного при нем анафеме Изяслава, удалился в Чернигов, где княжил Святослав Ольгович, друг и союзник Юрия Долгорукого, а епископом был грек Антоний. Здесь митрополит Константин внезапно заболел. Можно предполагать, что тогда он стал сожалеть и раскаиваться в излишне строгом наказании участников поставления на Киевскую митрополию Климента. Митрополит Константин призвал епископа Антония и вручил ему свое завещание, взяв обязательство исполнить все, что в нем написано. Когда, после кончины митрополита Константина епископ Антоний распечатал перед князем Святославом завещание и прочел его, все присутствовавшие были поражены: «По умертвии моем не погребите

тела моего, но повергше его на землю и поцеплеше ужем за нози и извлекше из града, поверзите на оном месте, имя нарек ему, псом на расхищение».

Епископ Антоний постарался исполнить последнюю волю митрополита. Тело Константина лежало непогребенным в течение одного или трех дней, а затем было положено в черниговском Спасо-Преображенском соборе. Подобно тому, как Господь не оставил раскаявшегося разбойника, так милосердный Владыка принял и плоды покаяния, принесенные Константином — у его мощей стали совершаться многочисленные чудесные исцеления.

Литература

1. Барсуков Н. Источники русской агиографии. СПб., 1882, с. 310—311.
2. Голубинский Е. Е. История Русской Церкви. Т. 1. М., 1901, с. 288.
3. Леонид (Кавелин), архимандрит. Святая Русь. СПб., 1891, с. 34—35.
4. Макарий (Булгаков), митрополит. История Русской Церкви. Т. 1. СПб., 1868, с. 249.
5. Приселков М. Д. Очерки по церковно-политической истории Киевской Руси. СПб., 1913, с. 387—392.
6. Соколов П. Русский архиерей из Византии. Киев, 1913, с. 88—92.
7. Стефан, митрополит. Блаженный Константин, митрополит Киевский. — «Журнал Московской Патриархии», 1959, № 6, с. 68—71.

